


# CHITENGO CHA KALUNGA

## CHINENJIKIJIWA

 Ngwasakwilila, chikuma, ndumbu walunga. Billy natondo yami kuhanjika echi chinapu lwola lwami lwatete mukamenga, tukweji vatatu. Kaha ikiye. . . Ngunanuka lwola lwatete Ngwapwile na ikiye, kwambulula, ikiye ambile ngwenyi, “Chuma chatete, Nguli nawoma.” Ngwapwa, nawa. Pamo myaka seti faifi mu mulimo, kaha echi chikiko chachisuku Ngunatwame nakufuma hakamenga kufuma haze Ngunapunga mu mumulimo. Ngwatondele kunoka chindende, shikaho Ndumbu walunga Mosley na Yami, kaha vamwe vandumbwami hano, vanapunga ha ungeji wa unyanga. Kaha etu tunanokela jino. Kaha echi chinapu kuliwana chami chatete kufuma haze Yami. . . pamo mu katundwe munene. Kaha echi chinapu chumachimwe. . . mulimo unapu chumachimwe ove watela kutwama na chize.

<sup>2</sup> Kaha jino Ngwavahulile vakiko kwalumuna ize peho, mokomoko kutala kachi vakiko vanahase kuyifumisa, mwomwo Ngunatachikiza chinapu chachikalulu kwivwa. Kaha echi chili chachikalulu, Ngunatachikiza, omwo muthuumwe ali nakuhana unjiho wavo. Echi chapwile chachikalulu kuli yami kwivwa vakiko. Munahase kwivwa kanawa jino? Chamwaza. Ngunatachikiza muyachi wa kwimana hakamwihi na chihungo palanga vakiko kupwa vakujika.

<sup>3</sup> Echi chinapu vene nge—nge lisesa lyalinene kuli yami, kaha Nguli—Nguli vene wakusakwilila kuli ou kapetulu, kaha kukapetulu wa Full Gospel Business Men hano mu Yuma, kaha vakakuzata vosena. Echi kwimba chamwaza hano, chapwile hano tando yayindene kunyima okwo, Ngunatondo kwivwa vakiko ha—ha kuliwana. Chize chapwile vene chamwaza. Ngwa—Ngwalikomokelele, omwo vakiko vapwile nakwimba, kachi Yowano amwene yami. Kaha Ngwafwelela ikiye alingile. Kaha, shikaho, Nguli nakwivwa ove uli mukuhizumuka hano. Ou Mwata amikisule enu chikuma, ndumbu walunga na wapwevo, nge omu enu mukakuzata. Kaha kuli masepa jami vosena mu Phoenix na vihela vyakuhandunuka, echi chili. . . kaha kufuma ku California.

<sup>4</sup> Kaha Ngwatondo kuhanjika lizu hali tupetulu. Omwo Ngwejile kuli vathu va Pendekosita, Ngwapwile. . . ngwapwile na kutachikiza cha pendekosita, kuhona kutachikiza nge kuze kwapwile liuka lya Chipendekosita. Ngwapwile ka Mishonali Mbaputishiti jino. Ngwatambula elu lujimiko lwa Shipilitu

Wajila, kaha Ngwawanyine kuze kwapwile vathu vamwe vaze vafwelele chuma chochimwe chize Ngwatambwile. Kaha vakiko vatambwile echi myaka fwote shimbu kanda Nguchihete. Shikaho Ngwapwile umwe kaha, nge omu ahanjikile Paulu, Ngwafwelela, keshi kweseka kuhanjika na ikiye, oloze nge “umwe wakusemuka mu ngonde.” Oloze va. . . Vandumbwami kusoloka kushinganyeka Ngwayile nakufuma, mukujiminyina, nge omu tweji kuchivulukanga. Oloze Ngwa—Ngwatachikijile nge Ngwatambula chumachimwe. Kahajino, kutachikiza chami chapwile kaha nge vakiko vapwile nacho kuze. Kaha omu mukiko mujila Ngwazanga chize.

<sup>5</sup> Kaha, oloze omwo Ngwejile mukachi kavo, chize—chize chihanda cha muchima hali chize, Ngwawanyine ngana nge vakiko vapwile kaha vakuhokoka, muvikungulwilo vyakuhandunuka, nge liuka lya Mbaputishiti lyapwile. Kaha vakiko. . . Ngwashinganyekele nge kwapwile umwe asanyikile Pendekosita, kaha mukiko chapwile. Oloze, kwiza nakuwana nge, kuze kwapwilenga vikungulwilo vyakuhandunuka. Shikaho, Ngwa. . . vakiko vosena vapwilenga kanawa. Ngunatachikiza vamwe vathu vamwaza Kanda lyehi Nguliwanenaga, mu chiyoyelo chami, chapwilenga muli awa mazavu. Kaha vakiko vapwile—vakiko vapwilenga, mukikovene, vikungulwilo vyakuhandunuka. Kaha yami—yami kushinganyeka apwile ngachize etu twatela kupwa umwe mumuchima, na Kulishitu, kaha Kanda lyehi kulinunga nakala chikungulwilo. Ngwatwamine mukachi kavo, na kweseka kukwata mavoko osena, na mavoko osena, kaha kuhanjika, “Etu twapwa vandumbwami.” Etu katweshi. . . Etu tunahase kumona vyuma vyakuhandunuka kufuma kuli umwe, kufuma muli mukwavo. Oloze, kusali ya vyosena vize, etu hanga tuli muundumbu, mwomwo etu twasemuka ku Shipilitu youmwe. Etu twapwa chisaka cha Kalunga.

<sup>6</sup> Kahajino omwo va Christian businessmen, va Full Gospel Business Men, ou kapetulu, Ngwapwile mukachi ka kuliwana chatete na Ndumbu walunga Shakarian. Ngwamatachikijile shimbu kanda kupwenga na chikungulwilo, mokomoko chimwe chakuyoya kupwako. Ngwashinganyekele kupwa chuma chachinene. Kaha echi chinapunga chikolo chakusokoloka kuli yami, kutambuka mukaye kosena na Full Gospel Business Men.

<sup>7</sup> Kuze, lwolalumwe, enu namuwana lizavu lya vakakuzata, lwola lumwe, vakiko kupwa na kwivwa chachindende hali lizavu likwavo, mwomwo muthuumwe ambile ngwenyi chumachimwe. Chize kacheshi kwosenako, oloze etu tunawane kupwa muliuka. Kaha nge, kachi liuka limwe naliya nakukafwa, mukwavo nalilinga chuma chimwe na chize.

<sup>8</sup> Oloze na Full Gospel Business Men, echi chinapu chikolo chakusokoloka kuli yami. Omwo vakiko vejile nakwingila, kahajino Nangumbata vandumbwami vosena hamwe, kaha etu—

etu tunahase kulikata; pamo mapashita vavali vanahase kupwa nakwivwa, mokomoko chumachimwe. Echi chinapu chikolo chachinene chakusokoloka, kaha Ngunatambuka osena hali vakiko jino ha myaka, kuhanjika muli tupetulu twavo.

<sup>9</sup> Kaha Ngwa...Yuma keshi mbaka yayineneko, chipwe Ngwashinganyeka chili chachinene kuhambakana umwe uze Ngwejile nakufuma, Jeffersonville, Indiana. Oloze Ngwaliwananga na mukulwane wa chitwamo hano. Va... ikiye apwilenga... kaha vamwe vakuhandunuka cha kapetulu kavo. Kaha Ngwashinganyeka ove uli nalisesa hano.

<sup>10</sup> Ngwapwanga kaha nakushinganyeka, ufukuuno, nge omu Ngwatwamine hano na kutala hali vathu. Munatachikiza, etu tuli washiwashi kuya nakulovoka muli elu lusesa. Eyi Kasulu ya Mauka a Kaye nayiya nakumina etu. Ngwashinganyeka chize nge vavavulu likungumbuwa ufukuuno valitunga kufuma ku Pendekosita, na Mbaputishiti, na—na Liuka lya Kalunga, kaha vaze vali kuweluka wa Kasulu ya Mauka a Kaye. Kaha—kaha vakiko, omu mukiko valingile, kaha omu mukiko yahanjika Mbimbiliya nge vakiko navakaya nakulinga. Kaha etu tuli vakuhuhumuna hali chize, shikaho echa tutwame hatoma to kuli echi. Kaha shikaho nge omu chapwile nakuhanjika ufuku uno ha, mu mwaso, pamo hakamwihi na Kwiza cha Mwata, chinahase kupwa hakamwihi kuhambakana omu etu tunashinganyeka echi.

<sup>11</sup> Kaha Ngwashinganyeka echi chili omwo etu natupwa hamwe na muyachi wa kulikata, echi cheji kulinga chumachimwe kuli etu, chize cheji kukokanga hakamwihi na umwe namukwavo. Kaha nge etu natupwa hakamwihi naumwe namukwavo, etu nawa kupandama kuli Kalunga, mwomwo Yesu ambile ngwenyi, “Chikumanyi nge ove unachilingi kuli umwe wamundende wavava Venyi vavandende, unachilingila Ikiye.”

<sup>12</sup> Ngukwechi kanyike walunga wamundende muno kumwe, Ngwashinganyeka, Yosefwa. Ngukwechi Billy natwame hano. Vana vamaapwevo vavali vanatwame kunyima kuze, kaha pwevo. Jino kachi kalamuthu apwile nachuma chimwe chize chapwile... enu mwatondo kulinga mwamwaza, Chamwaza enu munahase kulinga echi kuli vana vami kuhambakana kulinga echi kuli yami. Kaha shikaho Nguli nakwivwa pamo, nge visemi, kaha Ikiye napu sulo ya vathu, Ngunashinganyeka nge eyi ikiko jila ya Kalunga kwivwa. Kachi etu twatela...Etu natuzachila Ikiye nge omu tweji kuzachila umwe namukwavo. Omu mukiko etu twatondo Kalunga.

<sup>13</sup> Kaha kutachikiza echi kupwa muchano, jino Ngunashinganyeka nge kala lwola ou kapetulu kuliwana, hakupwa wakwimanyina hakwambulula mujimbu wamwaza... Kakweshi kunangula chimwe chize Full Gospel Business

Men kwimana. Vakiko kwimana kaha hakuzala na Mujimbu wamwaza. Kaha kachi muthu mwamwanga, chize chinapu chakwoloka nakukupuka. Echi chinapu chakwoloka. Etu natupwa mukulikata, mwosena omwo. Shikaho Ngwashinganyeka nge nachiya nakupwa... Kachi Ngwayoyele muno mumbongi, Ngwafwelela, omwo uze kapetulu kuliwana, kachi kuze kwapwilenga kala jila yayashi kuli vosena, Nangupwa kuze kaha kalamuthu kuze Ngunahase kupwa kuze. Echi chakwoloka, mwomwo echi chili—echi chili chuma chize chili kutuzamisa etu hamwe.

<sup>14</sup> Nanguyoya mu Tucson, kaha Nguli nakutwalilaho kuhanjika muli uze kapetulu, lwola lwosena. Kaha mu Phoenix, kufuma haze Ngwatambukile nakuya ku Arizona, Nguli ku Phoenix lwola lwosena Nguli na lihanya lya kuya na ku—ku Phoenix, mwomwo... kaha kweseka kuneha muthuumwe na yami, kusanyika muthuumwe, kumbata vakakuzata veka.

Kaha kuhanjika, “Chamwaza, chamwaza, mwamono, Ndumbu walunga Branham, etu katweshi...”

<sup>15</sup> Nanguhanjika, “Kanda kulizakaminako chuma muka ove... Echa kaha tuyenga na yami. Yako nge—nge sepa, na yami.”

<sup>16</sup> Kaha nakuvambata kuze chindende. Mukiko kaha ove watela kulinga. Kaha vakiko kuwana, muchima wa muthu uli nakwivwa zala na kulikata. Kaha etu twatela kulinga mujila kana. Echi chinapu chinjikizo chachinene cha lwola lwamakumishilo. Kalunga kisula ou kapetulu. Echa echi—echa echi chiyoye palanga nomu Mwata Yesu mwakeza nakututambula mu Upahu, chikiko kulomba chami.

<sup>17</sup> Jino, Ngunanuka mushipili wami watete kuhita mu Yuma. Ngwapwile mu Model-T Ford uze ahashile kulingisa seti milosi ha ola. Ngwapwilenga nakushinganyeka nge Ngwendese nakuya lelo. Hanga wakushishika ku Ford; Hanga ngukwechi umwe, kaha kwauchi chekako oloze chize. Oloze Ngwa... Jino, Kangwalanjisa Ford ko. Jino, echi kacheshi chuma chakukokamoko. Talenu? Oloze Ngunanuka omu ize Ford... Enu vavavulu vandumbwami vamyaka imwe na yami munanukanga ize Model-T. Ize yapwile yamuze 1927. Ove watela kutala vene mwamwaza mokomoko ove kaweshi kuwana Yuma omu ove muhitako. Yapwile vene yayindende, kaha ove punduvene kukula. Oloze, mujila Ngukwechi seti milosi ha ola yimwe kufuma mu Ford yami, yayile fifiteni milosi ha ola *eyi* jila, fifiteni *eyi* jila. Shikaho, kuhaka hamwe, Ngwapwile na seti milosi ha ola, na minguto yami yosena na vyangocho. Yakwenyeka.

<sup>18</sup> Eli Liuka lya upahu, nge, etu tuli—etu tuli kuhambakana eli Lufwelelo lwamwaza.

<sup>19</sup> Ngwasakwilila, ndumbu walunga, ove walinganga ngachize.

20 Echi chinakulu, nawa, kaha etu tuli vakusakwilila hali chize. Ou Mwata amikisule enu vosena.

21 Etu twatalilila, kachi enu muli nakujuinguluka, hakamwihi, kala kuliwana...Ngukwechi na—na kapetulu mu Phoenix, kuhanjika, Chalumingo nachizaho. Kaha Chalumingo kukavangiza mu Flagstaff. Kaha mu Chimwe, chize muma twende, chinapu chilika ku Tucson. Enu vosena vanamisanyika.

22 Kaha, nge Mwata netavila, Ngwatondo kuhanjika muzuvo yangunja mu Westward Ho Hotel, Ngwafwelela. Ufuku muka echi chaputukile? [Muthuumwe ngwenyi, “Ize yapwile Chalumingo na musana, ha seveteni.”—Muka.] Chalumingo na musana, ha seveteni, kutanga cha mukakwambulula mujimbu wamwaza. Lutalililo ava vakakwimba vali nakujuinguluka, hakamwihi halwola luze, kutukafwa. Kaha etu natuya nakupwa kuze jino palanga Chitatu. Ngwashingtonyeka echi chinapu Chalumingo na musana. Kaha etu kulinga chize mwomwo etu katweshi kuhasa kuhonesa kala kwala cha maukako. Jino, ha Chimwe na ha Chivali, kaha jino Chitatu etu tuli ku Ra-... kuze ku Mulauko-... kuze Ramada Inn, Ramada Inn. Kaha jino mu Chiwana etu kuputuka Westward Ho. Echi chili?

23 [Ndumbu walunga umwe ngwenyi, “Westward Ho, Chalumingo, Chimwe, Chivali. Jino etu kuya ku Ramada Inn, mu Chitatu, kaha etu kutwama kuze palanga ku kukuliwana.”—Muka.] Kuliwana vahichile, ku Ramada Inn. Shikaho etu natuya nakupwa nakuwahilila hakala lwola.

24 Jino, shimbu kanda etu tufukunune ou Mukanda, echa etu tunongame mitwe yetu chindende na kuhanjika kuli Mweya.

25 Jino, na mitwe yetu yakunongama kulukungu kuze Kalunga atumbachile, kaha, kachi Yesu mwashimbula, etu twatela kukinduluka kunyima mujila likumbi limwe. Kufuma haze Ngunapunga hano, Ngukwechi mujimbu kufuma kumututuko, uze pwevo wakalemesa wamundende Ngwatachikijile...Ikiye kanyike wapwevo wa lijina lya Edith Wright. Ikiye ahichile nakuliwana na Kalunga, musana uno, ha seli koloko. Etu twatela kukinduluka. Kachi kuli umwe hano uze natondo kumwanuka mukulomba, munahase kuzundula livoko kuli Kalunga. Kalunga amikisule.

26 Tata wa Mwilu, shimbu etu tuli nakuwahilila na echi kulikata chamwaza, kwimba, mamalelo, omwo chatambile mumuchima wami omwo Ngwevwile uze mwaso, *Kumana John Angumwene Yami?* Tata, Ngwafwelela nge etu natuya nakupwa kuze, etu vosena. Kaha etu tunanongama jino kulukungu, kaha etu—etu twalombo nge Ove muya nakutambula kusakwilila chetu—chetu, kaha kupihilila nakwalumuka, na kulomba chetu hali umwe namukwavo.

27 Kaha jino etu twalumuna eli Lizu Lyove, chihanda chakujila cha kuliwana chize chinasoloka kupwa chakujila

kuhambakana—kuhambakana kunoka, mwomwo etu tunatachikiza ha lwola luno etu tuli nakuzata na vathu, kutwaminyina vakiko ku Muchano, kuli Kulishitu na ku Lizu, ou napu Kulishitu. Kaha etu twalombo nge Ove muya nakusokolola eli Lizu lya etu. Etu—etu tuli vakuzeneka kutela, Mwata, oloze Ove unapu mwosena. Shikaho Ngwalombo nge Ove muya nakukisula eji jingolo jetu jakuzeya, kaha echa etu ufukuuno tuwane etu vavene na chihela chetu mu Lizu lya Kalunga. Tuhane echi, Tata. Kaha etu natuya nakukuhana Ove kwalisa, mwomwo etu twalombo echi mu Lijina lya Yesu. Amena.

<sup>28</sup> Jino, echi chinapu chamwaza kupwa hano. Ngukwechi visoneka vyavindende hano vize Ngwashinganyekele Nangutalilaho, ha minyutu yayindende, nge omu Kangwazanga etu kwitavila kulama ize zuvo yosena nakushimbulako na chingoloshi chino. Kaha Nguli nge, nawa, mukachi kavathu va Chipendekosita, Nguli nge chindende chindende, munatachikiza.

<sup>29</sup> Ngunanuka. Ngunamilweke, pamo. Omwo Ngwamwene mukakuzata wamu Pendekosita, apwile Rev. Robert Daugherty kufuma ku St. Louis. Ngunakakasana nge kala enu munatachikiza ikiye. Enu munamono unjiho wa kanyike wapwevo mu mukanda. Ikiye apwilenga—ikiye apwilenga... Ikiye apwilenga tele vanamuku kuze ku St. Vitus dance, kaha ikiye telennavyeche lyehi. Kaha omu mukiko Ngwaliwanyine na vathu vatete va Chipendekosita.

<sup>30</sup> Kaha, echi, Ngwayile nakwivwa ikiye kunangula, kaha—kaha, yami, ikiye—ikiye nahase kunangula. Ikiye mwaya... Ikiye keshi kuhasa kuvandamina chuma chimweko. Kaha ikiye kunangula palanga ikiye kwingila namupeho, kaha kumeso kwalumuka, kaha mambuli eyi kuputuka kundenda hamwe, kaha ikiye kuheta nahaseteko yakulimbuka nakuliveta hamavu. Kaha ikiye mwahwima kuhwima chenyi, enu munahase kwivwa ikiye kusongo ya mbongi kuze, hakamwihi, kwiza nakukinduluka nakunangula. Kaha ngwashinganyekele, “Yami, Kangweshi—Kangweshi kuhasa kushinganyeka echi washiwashi.”

<sup>31</sup> Ngwatela kaha kumbata lwola lwami. Ngunapu vene wakushipwokela, kaha kupwa kashinakaji, nawa, munatachikiza, kutanjila, shikaho Ngwatalilila enu namuya nakuchimbata yami muminyutu yayindende.

<sup>32</sup> Kuli chuma chimwe punduvene, chize Ngunatachikiza kacheshi kuhonako, kaha eli linapu Lizu Lyenyi. “Melu na mavu nawakahita, oloze Lizu Lyenyi kalyeshi kuhonako.” Shikaho echa tufukununenu jino, kachi ove uli na Mbimbiliya yove, kaha nge kutanga kufuma kuli Echi, mu Mukanda wa Isaya,

kapetulu 53 wa Isaya. Ngunatondo kutanga echi kutunga, kupwa nakutanga hakutunga, hatando yayindende.

*Iyaze ou netevila mujimbu wetu? . . . livoko lya YEHOVA linasolokela kuli iya?*

*Mwomwo akulilile kumeso enyi nge mutete, ngwe mwiji wamumavu aumu: keshi na kuwahako chipwe na luvaji; kahomu natumumona, kakweshi upahu numba tumvivwile kuwahako.*

*Vamulumbilishile vamukanyine kuli vathu; apwile muthu wavihuli na ushona, . . . wakutachikiza kwivwa kukola: kaha nge mwayou navasweka vathu meso; avo muvumulumbilishile, kaha katwamujinyineko.*

*Chamwenemwene ikiye vene ambachile kukolachayetu, akitumwine vihuli vyetu: oloze etu twamujinyine ngwetu vanamuzakula, ngwetu vanamuvete kuli Kalunga, hakumwenesa makava.*

*Oloze ikiye vamulemekele ikiye havilinga vyetu vyakuzombwojoka jishimbi, vamuchikile havilinga vyetu vya upapwoke: kuzangamisa chakutunehela kuunda chapwile hali ikiye; . . . ha mikiki yenyi kukiko etu vanatuhindwila.*

*Twosena tunalaluka nge mikoko; tunatalisa muthu mujila yenyi muthu mujila yenyi; kaha YEHOVA . . . namutwiki hali ikiye kuhenga chayetu twosena.*

*Ikiye vamushinyikilile, oloze ikiye omu vumumwenesele malwa, kalokwelele mukanwa kenyo: nge apwile mwana mukoko navatwala nakujija, nge mwanamukoko mwahola kulu kumeso avo kakumuteula, . . . kasokolwele mukanwa kenyo.*

*Ikiye vamufumishile mukamenga na kufuma nakukumusopesa: kaha muli vakatanga yenyi muapwile iya ashinganyekele? vamutete mulifuchi lya vakakuyoya: kaha . . . hakuzombwojoka jishimbi avo vakiko vaze yatelele kuveta.*

*Kaha chimbumbwe chenye vachihanyine navaka kuhenga hamwe, kaha namukaluheto nawa mukufwa chenye; oloze ikiye kalingile chumachulyanyu chimweko, kaha muze mukanwa kenye kamwapwile kutangisako.*

*Oloze YEHOVA amwene kuwaha kumuchika; na mwivwisa kukola: omu naukalingisa mwono wenye kupwa wana wahakuhingika, mwakamona vakatanga yenye, kaha mwakelisenga makumbi enye, kaha mwanevwila YEHOVA kuwaha namukafukilinga mumavakoeyi.*

*Ikiye mwakaya—Ikiye mwakaya nakumonanga vyakulika ya mwano wenyi, kaha mwakasuuluka: hachinyingi chakumutachikiza hakiko mwakavasambishila ngamba yami wakwoloka vavavulu; kaha vilinga vyavo vyakuhenga ikiye mwakavikitumuna.*

*Shikaho nangukamupangila chazano muli va vavene vyakupukula, mwakalipangilavyo navakajikiza; mwomwo ikiye. . . ahingunuine mwono wenyi palanga nakukufwa: kaha vamulavilile navakakuzombojoka jishimbi hamwe; shikaho oloze ikiye ambachile shili javavavulu, kaha avahakwilile vakakuzombojoka jishimbi.*

<sup>33</sup> Ngunatondo kuhanjika echi, kupwa mutwe waundende. Ngwazanga kumbata mutwe wachihande kufuma muze, nge: *Chitengo Cha Kalunga Chinenjikijiwa.*

<sup>34</sup> Jino, echi nachiya nakupwa nge—nge—nge kutanga cha kutanga, kumbata chize chitengo. Oloze omu etu natutala hali echi, nge etu natuhasa kushinganyeka, nge nachiya nakupwa vyuma vimwe nawa oloze chitengo, mwomwo vachihanjika ngwavo, “Etu kusweka kumeso etu kuli Ikiye, kaha kuze kakwapwile numba kuwaha etu tunahase kumufwila Ikiye.” Kaha lwola lwaluvulu, chuma etu natuvuluka kupwa chitengo, shimbu Kalunga mwahasa kupwa na chakuhonesa kulinga na echi. Mwomwo, mangana amuthu anapu uleya kuli Kalunga, oloze uleya wa Kalunga unapu wakutamo kuhambakana mangana a muthu.

<sup>35</sup> Kaha etu twamono hano, nge Kalunga atuhana chifwanyisa cha chumachimwe. Ngunatondo kweseka kuneha chifwanyisa kumeso etu, nge omu Ngunatachikiza nge chinahase kupwa lwola lwamakumishilo nge vamwe etu kuliwana hamwe. Etu pamo katweshi kuhasa kumona umwe namukwavo cheka nge omu tuli jino. Shikangaho, kachi etu natukunguluka hali eyi pungu, keshi mangana vatumone mokomoko vatwivwe. . .

<sup>36</sup> Oloze etu twapwile na kulikata na umwe namukwavo nge etu tunazachila echi kulya chamwaza mukachi kaufuku, kusali ya mesa, shimbu etu natulisa mijimba yetu, kaha jino etu tunatondo Kalunga kulisa myono yetu hali Mana Yenye chize chinapu chakusweka. Kuvangila hali vaze tupilishitu vaze vengilile muze Mwajila chikuma mwamuze mwajila vavetavijile kulya cha Vyakulya Vyenyi.

<sup>37</sup> Kaha kachi etu natutalisa, ufukuuno, kuhona chetu—chetu, Kangwafwelela Ngwapwile na—na chilika, muvihela vyosena Ngwapwile na kuliwana, nge ufukuuno, nge Ngwapwanga na chihanda chamwaza cha kuhima nge omu vakiko vazachilanga ufukuuno. Jino, mwamono, mwomwo etu twatela kupwa na echi; kachi etu natuyoya, chumachimwe chatela kufwa shikaho

etu tunahase kuwahilila halwola luno lwa kulikata, kaha nawa kutungulula viyoyelo vyetu.

<sup>38</sup> Ngwapwile na kuhanjika kuli muthu uze apwile mukamijimbu, keshi hanyima chikumako, kaha ikiye ahanjikile kuli yami, “Chamwaza, Kangwa—Kangwalivwasana na enuko.” Chamwaza, ikiye—ikiye anguhanyine mukanda, atondele kuliwana nayami kupenge. Kaha ikiye ambile ngwenyi, “Ndumbu walunga Branham, Ngweji kukumonanga lwola lwosena nge muthu wakujila.” Ikiye ambile, “Oloze omu Ngwevwile ove kuhanjika nge ove wapwile na maulu akulya chachimene,” ambile ngwenyi, “chize—chize changuvetele.”

<sup>39</sup> Chamwaza, chize, Kangweshi kuhasa kuhaka chimbuji mujila yenyi. Jino, eyi ikiko jila ya kufwelela. Oloze Ngwambile ngwami, “Chamwaza, mwane, kachi Kangweshi nakulyako, Kangweshi na kuyoyako.”

<sup>40</sup> Ikiye ngwenyi, “Oloze, munamono, enu mwatela kulya ngulu, kaha—kaha kujiha kasumbi.”

<sup>41</sup> Ngwambile ngwami, “Mwane, etu tuli kaha nakuyoya na vyuma vya kufwa. Kangwalizakaminako chuma muka ove mulya. Ove mulya mitondo. Ove mulya. Ove mulya mbolo, ize tiliku kufwa. Kachi ove mulya linona, lize linona lya kufwa. Kachi ove naulya makunde, uze umwe afwile.”

<sup>42</sup> Kalachuma ove naulya, ove unahase kuyoya mumujimba mwomwo chumachimwe afwile nge ove unahase kuyoya. Jino, kala chuma namulinga, chipwe kunwa mavele, natulo, kalachuma, ove watela kuyoya ha vyuma vya kufwa. Kaha echi nachiya kaha nakwinjikiza, kachi etu natupwa nakuyoya echi chiyoyelo cha chisemwa, kaha chinahase kuchilinga na vyuma vya kufwa, chumachimwe chatela kufwa shikaho etu tunahase kuyoya Hayamyaka. Uze ikiye Yesu Kulishitu, uze Kalunga atuhanyine etu nge tuvinda.

<sup>43</sup> Kaha jino, omwo Ngwaliwanyine na vathu va Pendekosita, Ngwa—Ngwayile ku California, kaha kulinunga nakwimana hano, kusali ya kalwiji. Kaha Ngwapwilenga ku Los Angeles. Kanda lyehi nguyoyele mumakumbi auze mukakuzata wa puho, Pwevo lya Semple...Aimee Semple McPherson. Ngwatela kuliwana na mwana walunga, Rolf, Mukakulishitu wautongwe, kaha—kaha pwevo lyenyi na chisaka chenye. Vakiko punduvene vathu vamwaza, kaha Ndotolo Teaford na Ove tala kaha vakakuzata vavavulu mu Tembele ya Angelus. Kaha Ngwanangwile Kusokoka cha Pendekosita, fifite ya Kusokoka kuze, myaka yayindende kunyima, kaha punduvene chapwile na lwola lwamwaza.

<sup>44</sup> Shikaho mukulemesa chaou pwevo uze ahakile chakutalilaho nge omu ikiye alingile, kweseka ikiye mwamwaza, kaha ku—ku kuneha chumamuka chapwile mumuchima wenye, Ngwafwetele mulambu kuli ikiye nakuya kulifuka lyenyi kuze

ku Forest Lawn. Kaha omu Ngwemanyine kuze na litepa lyami, kaha—kaha kunongama mutwe kaha kuhana kusakwilila kuli Kalunga ha chiyoyelo cha ngamba wamundende, Ngwapwile jino wakuhulamisa nge Ngwapwilenga na, lizavu lya vakakuzata, kachi Nanguya mumushipili nakuhita... hakuhita muze Forest Lawn. Kaha muze mukachi ka zuvo yakutulikila vivimbi, mokomoko kalakwosena enu namuvuluka, Ngwapwilenga nakuhanjika hakutunga chakuhandunuka, kaha amwene kulya cha Mwata cha Chingoloshi, kaha atwamine. Enu vavavulu munatalisa echi, omu vakiko vahakile chize malayiti, mu Kulya cha Chingoloshi, kaha ngwevwile mujimbu wacho.

<sup>45</sup> Oloze chuma chimwe chakulimanyina chize Ngwamwene kuze, chapwile nge omu namwingila muchikolo, Ngwafwelela nachiya nakupwa kusali ya mututuko. Kuze kwapwilenga na—na chifwanyisa cha Mose chinatwame haze, chize chapwilenga lupasa lwakuyoya kuze cha Michelangelo, Ngwafwelela echi chapwile, uze mukakusonga uze... Ngunahase kupwa wakupwile muli muthu, Ngwafwelela chize chakwoloka, Michelangelo, uze—uze... uze fuli waunene uze atungile echi, mokomoko, chifwanyisa cha Mose. Kaha nge muze ikiye apwile nakulumbununa, uze—uze twamina uze apwile nakumbata etu nakuhita, ikiye ambile ngwenyi nge apwile umwe wa mukulwane wamunene uze Michelangelo vautungile. Kaha ambile ngwenyi kumbata chikuma kuyoya chenye, kuzata chikuma.

<sup>46</sup> Kahajino Ngwamwene, Ngwafwelela echi chapwilenga, hamambuli eyi. Chize chitamba cha kukupuka, kwivwakana kanawa, kaha Mose na mesa ya jishimbi mulivoko lyenyi, kaha wevwu wenye wausuku. Kaha chapwile, mukiko vene, uze kwivwushisa cha muwongo cha Michelangelo, mukiko Mose atelele kusoloka. Pamo kanda lyehi amone chifwanyisa, oloze, muwongo wenye, ikiye amukokele chuma muka ashinganyekele nge Mose atela kusoloka.

<sup>47</sup> Kaha mujimbu kuya, washi washi nge omu ahashile na chize—chize chifwanyisa kukuma, kaha kujima kaha kukupuka, ikiye emanyine kunyima na kutala milimo yenye. Kaha omwo ikiye ahetele chikuma, palanga chasolokele chikuma... Chuma muka ikiye apwile nacho muwongo wenye, ikiye atungile na livoko lyenyi. Echi chasolokele chikuma nge echi, kaha myaka yosena ikiye napunga nakuvandamina hali chize, palanga ikiye vamufumishile mukuhwimina, ikiye avetele ha mambuli eyi kaha kutambakana, “Hanjika!” Kaha kuli chihela chakuhokoka hali lize—lize—lize lihinja, mambuli a Mose, kuze Michelangelo kuliveta na hamala, mwomwo ikiye apwilenga wakuhwimina.

<sup>48</sup> Talenu, kuze kwapwile chumachimwe mukachi ka ikiye, hakuputuka, nge ikiye apangile chifwanyisa cha muwongo chize ikiye ashinganyekele nge Mose atela kusoloka nge. Kaha omwo ikiye amwene chize kusoloka kumeso eyi, chize

vene chuma chize ikiye apwilenga nacho muvishinganyeka, chuma ikiye ashinganyekele nge Mose atela kusoloka nge; kaha ambachile chize chimweno na ikiye myaka yosena na myaka, nge omu ikiye ambachile chihanda chachinene cha malolwa, kaha chipalapala hano kaha chihanda kuze, kaha lusona kaha kushikumuka, mwomwo chatelele kwiza mwakukupuka. Kaha omwo chapwile chakukupuka kumeso eyi, ikiye—ikiye amwene kusoloka cha omu chapwile muvishinganyeka vyenyi. Chize chikiko chamuhwimina ikiye shikaho, kuveta chize chifwanyisa, na kutambakana, “Hanjika!” Mwaka wosena wakupindasana. Milimo yayinene yamavoko eyi yakumine.

<sup>49</sup> Jino etu twamono chize, kaha Ngwa—Ngukwechi wakuhwimina kuli echi, mwomwo Ngwashinganyeka nge, mukiko vene, luze lusona halihinji, chumamuka chamutungile, kuli yami, chize chitengo. Mwomwo, kupwa kaha, kachi chapwile chikolo chikwavo, mokomoko chumachimwe cha Mose, kupwa nge chifwanyisa cha muthu apwile na kushinganyeka. Oloze, muthu uze apwilenga nakuzata mulimo, chamusuulwishile ikiye palanga nomu ikiye avetele. Kaha luze lusona kutunga chize chitengo kuli yami, mwomwo cheji kusololanga chumamuka chapwile muvishinganyeka vize Mose atela kusoloka nge.

<sup>50</sup> Mamalelo, Ngwemanyine kuze. Ngwatela kutambuka nakufuma muminyutu yayindende, kushinganyeka ha—ha chumamuka chatela kulumbununa kuli ikiye, kaha—kaha chalumbunuka yami halwola luze. Kahajino chejile muvishinganyeka vyami, vya echi Ngwakutonda kuhanjika nayove.

<sup>51</sup> Echa etu tufukununenu jino vishinganyeka vyetu kufuma kuli Michelangelo, uze Mukakusonga wamunene, Kalunga Wakulitulaho, Hiya, mukuputuka, shimbu kanda kupwenga likumbi mokomoko kukula cha likumbi, shimbu kuze kwapwilenga numba atom mokomoko molecule, Kalunga, muvishinganyeka Vyenyi, apwile na muthu, atela kusoloka nge, chuma ikiye atela kupwa, kaha ikiye atela kulinga nge ngachize. Kaha Ikiye atondele uze muthu kupwa chihanda cha Ikiye, “Shikaho Ikiye atangile muthu mu chifwanyisa Chenyi Lyavene, kaha muchifwanyisa cha Kalunga atengele Ikiye muthu,” mamalelo, omu Kalunga, muze mukuputuka, atengele chitengo, chumachimwe chize chasolwele vishinganyeka vyenyi.

<sup>52</sup> Anuka, kuli kaha chifwanyisa chimwe cha Kuyoya cha Hayamyaka, kaha etu . . .numba majina etu na vishinganyeka vyetu vyapwilenga na Kalunga shimbu kanda kupwenga chikuku cha kaye. Mwomwo jino etu twaheta Kuyoya cha Hayamyaka. Kaha kupwa ngachize, etu twatela kupwa chihanda cha Kalunga. Shikaho etu twatela kupwa chikuma mu vishinganyeka Vyenyi, mwomwo etu tuli na Kuyoya cha Hayamyaka, kaha apwile wakatongola kuli echi chiyoyelo.

“Kaha majina etu vawahakile mu Mukanda wa mwana Mukoko wa Kuyoya shimbu kanda kwala chihela chahamavu,” kutesekesa na Kusoloka. Jino, nge Kalunga apwile na etu mukushinganyeka Chenyi, kahajino etu tuli na Kuyoya cha Hayamyaka, mwomwo jino Ikiye ahanjikile kuli etu, kaha etu natwiza nakupwako. Kaha lizu linapu kaha chishinganyeka kusoloka. Kalunga apwile nayetu, mukuputuka, mu vishinganyeka Vyenyi.

<sup>53</sup> Jino, kaha omwo Ikiye atengele Alama, uze muthu watete, omwo chapwile chakukupuka. Ikiye asolokele nge Kalunga. Kalunga, Shipilitu Wajila wamunene, kukumbila hamavu, kaha Ikiye . . . tujila kwiza nakulovoka, pamo, kaha tunyama, vyuma vyakuhandunuka, kaha kutwalilaho cheka chikuma kupwa muchifwanyisa cha Umwe uze apwilenga nakukumbila. Palanga, makumishilo, kwejile muyachi waumwe vene nge uze Umwe uze apwilenga nakukumbila, Kalunga. Kalunga apwilenga, mokomoko, muthu vamutengele muchifwanyisa cha Kalunga. Kahajino, omwo Ikiye amuhakile ikiye muze mulitepa lyalinene, nge muze achihakile uze Michelangelo ize milimo yenyi yayinene, kaha mukakufunda wamunene, Kalunga ahakile livoko Lyenyi muze mulitepa lya Milemba, chamulingishile ikiye kupwa mukakumukafwako. Chuma nge—nge—nge kusuuluka mwosena chapwilenga kuli Kalunga, palanga nomu Ikiye anokele. Echi chapwile kaha kunoka. milimo Yenyi yakumine.

Kahajino mujimbu waushona kwiza, cha mukakole.

<sup>54</sup> Jino tachikizenu. Echi chuma chimwe Ngwatondo enu kupwa muvishinganyeka, nge Kalunga ahanyine ou muthu kukiwiwa. Ikiye amuhanyine . . . Ikiye amujilika mukachi ka Lizu Lyenyi, mwomwo Ikiye avalwekele vakiko chuma vakiko navahasa kulinga, chuma muka vakiko kavahashile kulinga.

<sup>55</sup> Kaha echi chikiko chikuku chochimwe etu tunatwame lelo, chuma etu tunahase kulinga, chuma etu katweshi kuhasa kulinga. Chipwethuhu natuya ngachilihi kuliuka, mokomoko kulinga *echi*, etu twatela kupwa wakusemuka chachihya. Talenu? Echi chatela kupwa.

<sup>56</sup> Kaha Kalunga amulwekele Alama chuma ikiye nahase kulinga na chumamuka ikiye kahashile kulinga. Ikiye amuhakile ikiye kunyima ya Lizu Lyenyi.

<sup>57</sup> Kaha jino mukakole ejile nakwingila, ha kuhungumwisa, kaha kukalava nakuhita jimbango ja Lizu lya Kalunga, mwomwo chize chikolo chapwile chakusokoloka kuli ikiye, kaha ikiye apichile chize chifwanyisa, cha shili. Chize chapwile mujimbu umwe wakeke.

<sup>58</sup> Kushinganyeka, nge muthu uze vamutengele muchifwanyisa cha Tengi yenyi, kaha vamuhanyine mbango kwimana kunyima, nge nge eli Lizu kalyeshi kahonako. Echi—echi chinapu litalililo lwa Vakakulishitu. Echi chinapu chenyi—chenyi lukepwe.

Chinapu chitwa chenye. Linapu lilolwa lyeenyi lelo, lili, kutwama kunyima ya Lizu; kala mukakufwelela.

<sup>59</sup> Jino, enu kamwatela kufuma kunyima Ya Chizeko. Omwo enu namulinga, enu, enu muli nakusokolola chikolo cha mukakole, omwo vakiko navahanjika, “Mamalelo, chamwaza, ove unahase kulinga chindende *echi*, kaha chindende cha *chize*.” Kalunga atonda enu kulihandununa enu vavene kufuma kuvyuma vyosena vize vavuluka kupwa shili. Chosena kupwa kusali ya Ikiye, kaha mwomwo Ikiye ukawenyi.

<sup>60</sup> Ikiye ali na pungu muchiyoyelo chove, muthu wosena, nge keshi numba umwe hano hamavu nahase kumbata chihela chove. Kalunga akwechi chumachimwe hali ove. Ove vanakutungila nge ngachize. Ove walingile mujila kana mwomwo ya pungu. Kalunga apwa wakulimanyina mumilimo Yenye. Ikiye numba . . . Vyuma vyakuhandunuka. Etu twapwa vakuhandunuka, umwe kufuma muli mukwavo.

<sup>61</sup> Etu tunatalisa muchiyoyelo cha kanyama. Etu tunawane nge, mu chiyoyelo cha kanyama, muli kanyama umwe, Kalunga atangile chisuma wakulemuwa, nge chimbulu, kaha—kaha ikiye atela kuzata. Kaha uze ngombe napu mulambu. Kaha, oloze, uze—uze ndumba na kangunge kutahwoka muze mumusenge chakuzeneka kala kuzata mokomoko kalachuma. Ikiye atungile kanyama wamunene nge njamba, kaha jino kutunga mukweze wamundende nge katumbi. Jino, hiya nahase kumulweka Kalunga chuma muka chakulinga kaha mwakulingila? Ikiye eji kuchilinga mujila Yenye Ivene.

<sup>62</sup> Kaha Ikiye kutenga jipili. Ikiye kutenga pambo. Ikiye kutenga na—na tulungalwiji. Ikiye kutenga vyana. Ikiye kutenga mutondo umwe, mutondo waunene, musakavale, na—na vyangocho. Ikiye kulinga chize.

<sup>63</sup> Ikiye eji kulingisa vathu kupwa vakuhandunuka. Ikiye eji kutuhananga, muthu wosena, chihela chakuhandunuka. Kaha mutondo wa mu sakavale kaweshi kuhasa kupwa mutondo wamu hickory. Mutondo wamu hickory kaweshi kuhasa kupwa mutondo wa mu sakavaleko. Naumwe pimi nahase kumbata chihela chove, kaha ove kawatela kweseka kumbata chihela cha kala muthu ko. Mwomwo, ove unapu muthu ukawenyi, kuli Kalunga, kaha Kalunga atwama na pungu hali ove. Ikiye akulingishile ove kupwa ngachize. Enu ngwenu, “Mwomwoika Ikiye alingile echi?” Ikiye apwa wakulimanyina. Ikiye akwechi mulonga kupwa mujila kana.

Oloze etu tunawane nge etu vosena vanatulama ha Lizu.

<sup>64</sup> Mwilu, etu natutala ha mijimba ya mushipilitu. Eyi Mbimbiliya yahanjika nge numba tanganyika umwe vakuhandunuka kufuma kusali ikwavo. kuze kwapwilenga Sirius na yimwe yakuhandunuka. Kaha Mars na Jupiter, na vyosena vakuhandunuka handunuka, vakiko vakuhandunuka

umwe namukwavo. Likumbi linahandunuka kufuma ku kakweji, na kakweji kufuma ku vatanganyika. Kaha kuli Vangelo, nge, kuli Vaselefwe na Vakeluve, na Vangelo na Vangelo vavanene, mu—mu jindingili. Kaha numba kaye kakahya kakwiza, vamyangana vahamavu kuneha kavumbi kavu muno mumbongi.

<sup>65</sup> Etu lwola lwosena kuya nakupwa muze mujila kana. Mwomwo, Kalunga keshi Sears na Roebuck Harmony House. Ikiye napu Kalunga wakuhandunuka. Ikiye eji kutunga umwe mujila yenyi, kaha weka nawa mweka. Oloze etu twatela kuzachila Ikiye mujila ize Kalunga atulingishile etu, kaha kupwa vakuwahilila, kaha kutwama kunyima ya Lizu Lyenyi. Kaha omu mukiko mujila Kalunga alingile.

<sup>66</sup> Oloze omwo etu tunawane nge mukakole akwechi kuhita mu Lizu, kuli echi, chitengo cha Kalunga, ikiye kuchenyeke. Kaha omu mukiko ikiye ali nakulinga jino. Ikiye ali nakuseunuka kuhichila mulivoko, mukakole ali, kweseka kutulingisa etu kupwa Kasulu ya Mauka a Kaye. Kaha muthu ali... Mwomwoika, muthu keshi kuhasa kwitavila na umwe namukwavoko, natuya ngachilihi na kupwa na kaye kosena kwitavila na muthu? Kaha haze vene ove mulinga ngachize...

<sup>67</sup> Etu tukwechi Umwe etu twatela kulama mukulikata na, uze ikiye Kalunga. “Kaha kukuputuka kwapwilenga Lizu, kaha Lizu lyapwilenga na Kalunga hamwe, kaha Lizu lyapwilenga Kalunga.” Kaha eli Lizu hanga apwa Kalunga, kaha lwola lwosena apwa Kalunga, mwomwo Kalunga ali mu Lizu. “Kaha lize Lizu lyalitengelekele kupwa wachisemwa cha hamavu nakutwama muli yetu,” muli Muthu wa Mwana Kalunga.

<sup>68</sup> Jino etu tunawane nge, hanyima Ikiye awanyine chize kwenyeka chachinene, kusoloka nge, chinahase kupwa ove na Yami, kaha etu natuya nakuhaka lwola lwosena na ngolo josena, etu kachi tunaveta vyuma kana kaha nakucheche chiyenga, oloze, keshi Kalunga ko, Ikiye apwile wakulizanga kwecha milimo Yenyi kuya nakwenyeka. Echi chinapu zangi ya Kalunga. Shikangaho uze mukakusoneka ahanjikile:

Kachi kalungalwiji azalile na ulombo,  
 Kaha kachi utangatanga kupwa hakusonekela;  
 Kaha hakala chiswaswa kupwa sonekeso,  
 Kaha muthu wosena kupwa mukakusoneka;  
 Kusoneka eyi zangi ya Kalunga wa mwilu  
 Kachi nachumisa kalungalwiji chau;  
 Mokomoko lipewa kuhasa kupwa na vyosena,  
 Chipwe lipwenga lya kutanduula kufuma  
 kuutangatanga na kuutangatanga.

<sup>69</sup> Talenu zangi ya Kalunga! Hanyima ya muthu kuholoka na kusokolola chikolo kuli mukakole, kaha kwiza nakwingilamo kaha kwemwenyeka, kaha kuhakamo kufwa, chochimwe

Kalunga kazangile chize kumuhonesako. Ikiye ejile nakushikumuka na kuputuka cheka. Ikiye apwile nakuya nakumulingisa kupwa muthu cheka.

<sup>70</sup> Ikiye ahakile Alama ha chivwasano, “Linga *echi*, kaha keshi *echi*; *echi*, kaha keshi *chize*; kanda kukwata echiku, kanda kukwata echiku, kanda kumakila echiku.”

<sup>71</sup> Oloze etu tunawane, omwo Ikiye aputukile cheka, Ikiye aputukile na—na Apalahama. Kaha muli Apalahama, Ikiye aputukile chivwasano chakuzeneka jishimbi. Keshi “kachi ove muya.” “Nguli. Ngunachilingi lyehi. Ngunakukisula, enu na mbuto yove, kaha na vyangocho, hanyima ya enu.” Chapwilenga chivwasano chakuzeneka jishimbi Ikiye aputukile na Apalahama, milimo yamavoko Enyi cheka, kaha jino na chivwasano Chenyi chakuzeneka jishimbi. Jino, omwo etu tunawane, Ikiye kukundamina hali Apalahama na kumuhana ikiye chivwasano, chakuzeneka jishimbi, na lushiko.

<sup>72</sup> Kahajino Ikiye ejile kuli vakakuluka, etu natwiza chakushisaho, mu Tesitamende Yamwaka, nge omu natuya nakushikumuka. Hano Ikiye kusolola chikuku cha milimo Yenyi. Jino etu tuli na Apalahama, Isaka, Yakova, Yosefwa; uze vakakuluka wawana.

<sup>73</sup> Jino, Apalahama kwimanyinako lufwelelo kuzata, lufwelelo, mwomwo Apalahama apwilenga lufwelelo. Ikiye apwilenga na lufwelelo lwalunene, mwomwo, “Ikiye katalyangilile ha lushiko lwa Kalunga, kuhichila mukuzeneka kufwelela.” Omu etu natuhanjika, “vipalapala hamavu,” kalachuma chakufumbukila ikiye, ikiye hanga akwachilila kuli Kalunga.

<sup>74</sup> Kahajino etu tuli na Isaka, uze apwilenga mwana walunga wakuzanga, uze emanyinyineko zangi, mwomwo, Apalahama kupwa muyachi wa Kalunga, nge Isaka vamuhanyine, Kuputuka 22, etu tunawane nge ikiye ambachile jikunyi kukanduka hapili, kaha vyumavyosena kusolola Kulishitu, muvimbimbi wa Ikiye. Kaha jino uze chizamba cha mukoko ejile kaha vamuhanyine muchihela chenyi.

Jino luze lwapwile lufwelelo, zangi.

<sup>75</sup> Kaha *Yakova*, kulumbununa “mukakufwila kuyula,” kaha uze mukakuhungumwisa. Kaha etu tunatachikiza nge kuyoya cha Yakova kwimanyinako likoji, mwomwo lyapwile likoji lya Kalunga, lwola lwosena, na Yakova.

<sup>76</sup> Kahajino kwejile Yosefwa. Kakweshi chuma chakufumbukila Yosefwa. Ikiye apwilenga umwe wakukupuka. Kalunga kapolofweto uze ejile mukachi kava ndumbwenyi. Kaha vamujinjile, chakuzeneka mulonga, kaha vamulanjishile. Kaha mukala jila, chiyoyelo chenyi kwimanyinako chiyoyelo cha Yesu Kulishitu. “Kwiza kuli Venyi Ivene, Venyi ivene Kavamutambwileko.” Nge Yosefwa vamujinjile kuli vandumbwenyi, vamumbilile muwina, atelele kufwa;

kumumbata, kumuzezula helu kulivoko lya Fwalo. Kaha omwo ikiye mwakaseza litanda, vakiko kuhuhwa cha ndolombita, kutachikiza, mambuli osena atela kufukama, na kuli Yosefwa.

<sup>77</sup> Etu tunawane nge Yesu apwile wakulanjisa ha ndando yoyimwe Yosefwa apwilenga. Afumishile kufuma mu—kufuma muwina; kaha akandukile Mwilu; kutwama kulivoko lya chilyo lya Kalunga. Kaha omwo Ikiye ejile nakufuma muli chize Chihela, “Ndolombita nayiya nakwimba, kaha mambuli osena kufukama, kaha lilimi lyosena kwitavila Ikiye,” kukupuka.

Luze lwapwile lufwelelo, zangi, likoji, na kukupuka.

<sup>78</sup> Jino mujimba kwiza nakulovoka, hali uze tengi wamunene. Ikiye atungile mujimba kuzata na tupolofweto. Vaze tupolofweto vapwilenga mujimba nakuzata.

<sup>79</sup> Kahajino makumishilo kwejile mutwe wa ou mujimba waunene, uze apwile Kulishitu Lyavene. Tupolofweto vosena vapolofwetele hali Ikiye. Milimo yosena yalingikile kuli Ikiye. Mujila yosena kufuma mulitepa lya Milemba, kufuma halwola luze Ikiye aputukile, “Nanguhaka kole mukachi ka mbuto yove na mbuto ya linoka.” Kaha etu tunawane nge Ikiye aputukile kuze, kaha kwiza kuhichila mu—mu vakakuluka kuhichila muli tupolofweto, kaha kwiza kuze. Cheka Ikiye amwene kusoloka Chenyi Lyavene, omwo Muthu umwe asemukile hano hamavu, kufuma mujimo lya pwevo, nge apwile Chitengo cha Kalunga. Apwilenga Mwana Kalunga, Yesu Kulishitu. Mulonga Ikiye apwilenga, mwomwo Ikiye apwilenga Lizu mukukupuka.

<sup>80</sup> “Kukuputuka kwapwilenga Lizu, kaha Lizu lyapwilenga na Kalunga hamwe, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.”

<sup>81</sup> Jino etu twamono kusoloka muli Ikiye kupwa chitengo chakukupuka. Ikiye apwile wakukupuka, nge Kalunga, palanga Ikiye ngwenyi, “Kachi Kangweshi nakulinga milimo ya Tata Yami, kanda kungufwelela Yami ko. Chipwe Nguli. . .Enu kamweshi kuhasa kufwelela Yami? Fwelela milimo, mwomwo vakiko yeji kwambulula kuli enu, Yami Hiya.” Ngwazanga chize. Talenu? Ikiye ngwenyi, “Kachi ove kaweshi Yamiko. . .”

Vakiko vambile ngwavo, “Ove unapu Muthu, kulilingisa Ovelyavene kupwa hamwe na Kalunga.”

<sup>82</sup> Ikiye ambile ngwenyi, “Kachi enu kamweshi kuhasa kufwelela Yami, kufwelela milimo eyi Ngulinakulinga. Kaha kachi Kangweshi kulinga milimo ya Ikiye uze angutumine Yami, kahajino enu kamweshi na lisesa lya kufwelela Yami ko.”

<sup>83</sup> Shikaho mukiko chatela kupwa Mukakulishitu, lelo, kupwa na unjiho woumwe. Kachi mu Lizu lya lushiko lya Kalunga, kachi chiyoyelo chetu kacheshi chakutela na kuliwana vene chumamuka eli Lizu linahanjika, kahajino etu katweshi

na lisesa lya kulivuluka etu vavene kupwa Vakakulishitu kachi etu katweshi vakusemuka chachihyako. Yesu ngwenyi, mu Mako 16, “Evi vinjikizo *navikaya* nakukavangiza vaze vakakufwelela.” Talenu? Keshi “vakiko vanahase; vakiko vatela kupwa; vakiko pamo navaya.” Vakiko navaya nakuchilinga. Uze ikiye Mukakusonga uze atungile etu. Lize likiko Liuka lize vafuilile. Uze—uze ukiko Mujimba wa Kulishitu.

<sup>84</sup> Jino etu tunawane nge chamusolwele Ikiye mwakukupuka. Uze Mukakusonga jino apwilenga na Lizu kusolola muli Muchitengo cheka, kumuvuluka Mwa Nenyi, Kalunga, Emanuwele. Shinganyeka kaha, uze Muthu kupwa wakupwama palanga Kalunga kusolola Lyavene kuze, muli uze mujimba, kaha Ikiye ejile nakupwa, Ikiye kaha Kalunga ejile nakupwa Umwe. “Yami na Tata Yami twapwa Umwe. Tata Yami atwama muli Yami. Ngweji kulinga lwola lwosena chize nachivwisa kuwaha Tata.”

<sup>85</sup> Ngachilihi kachi Mukakulishitu lelo nahase kupwa na unjiho nge ngachize? Ove watela kupwa chitengo hano vene muno mu Yuma, muze mujila. Kachi uli pwevo wakukosa kunyima kuze kunyima ya mbashiya yakusanyina, ove hanga wapwa chitengo kuli Kalunga, omwo enu namuhanjika, “Ngweji kulinga lwola lwosena chize nachivwisa kuwaha Kalunga,” kaha kaye kosena nakahasa kumona eyi—eyi milimo ya Yesu Kulishitu kusolola muli enu.

<sup>86</sup> Echi vachihanjika, lwola lumwe, ize ulu yamwaka, shimbu kanda vakiko vapwenga na mukakuyengununa. Va. . . Vakiko vapwilenga nakumbata ulu nakuyiveta, uze mukakuveta, vaze ma Indians mu makumbi akuputuka omwo Arizona yapwile mu ukweze wenyi. Vakiko kuveta ulu palanga mukakuveta kulimona kusoloka chenyi mu ulu. Vakiko kuveta nakufumisa majilo avikungo, ndala, na majilo, kufumisako, palanga mukakuveta nahase kumona kusoloka chenyi lyavene nge chivanjilo, kulovoka.

<sup>87</sup> Jino, omu mukiko Mujimbu wamwaza weji kulinganga. Vathu vavavulu kavazanga kwalumuka nakuvaveta. Chamwaza, chuma muka liuka linatondeka ufukuuno shina, kusoloka chamwaka, Shipilitu Wajila kuveta nakufumisa, kufumisa kaye na vyuma vya kaye. Omu mukiko Pendekosita yinatondeka ufukuuno. Chize chikiko kutambuka chetu chinatondeka ufuku uno, kupwa nakuwaha, jila yamwaka, kuveta nakwalumuna cha ulu, palanga kaye kosena vanafumisa muli etu, kaha Yesu Kulishitu ali nakusoloka.

<sup>88</sup> Echa ngupwenga na livoko lya vathu muno ufukuuno, apwile vene chikupu kuli Kulishitu, kaha viyoyelo vyavo vyakukunjika kuli Kulishitu. Ngunahase kulinga na eli livoko, mokomoko Kalunga nahase kulinga cheka, chipwethuhu, na livoko lyambe lya vathu hano, kuhambakana ove unahase kulinga na Kasulu ya

Mauka a Kaye kosena, kutwala ku Wangana wa Kalunga. Muthu umwe ahanyine mumavoko Eyi, mukiko kaha Kalunga atonda.

<sup>89</sup> Oloze, munamono, etu katweshi vakulizanga kupwa kulu na kwecha Ikiye kuveta kusali *eyi*, *ize* sali, kungongomweza *echi*, kungongomweza *chize*, kungongomweza *echi* chishinganyeka, na *chize*, kaha echa Yesu Kulishitu kusolola muli etu. Etu tunamono mivwimbimbi yayivulu. Etu kupwa na visaji vyamivwimbimbi. Etu tukwechi vyakaye vavavulu, palanga liuka linajimbalisa kuyema cha vathu. Echi chili mwomwo Shipilitu Wajila kutambuka nakuya, kaha chumachimwe nawa kutambuka nakwingila. Echi chakwoloka, masepa.

<sup>90</sup> Nguli nakwivwa maunjiho, wamwaka wa Chipendekosita, omu vakiko vapwilenga na kuliwana cha kulomba ufuku wosena. Vakakuluka jetu na manevo, fwote, myaka fifite kunyima okwo, kulomba ufuku wosena. Vaze vathu vamujinjile, mujila. Kaha etu twashinganyeka, lelo, kachi kalamuthu mwahona kuveta etu hachifwiji, mwomwoika, kuli chumachimwe chakuhenga na etu. “Mamalelo kuli enu omwo malunga vosena veji kuhanjikanga kanawa hali enu.” Ikiye vamutoleka kaha vamuhungile kuli vathu, kaha etu twapwa chifwanyisa Chenyi. Amena.

<sup>91</sup> Chuma etu twatondo lelo kupwa vene, kuliwana cha kulomba chamwenemwene, kutomesa chimwe, kufuma mujila yosena kufuma mukamenga nakuli wakumishilako, zuvo yosena kupwa yakutomesa, ya Kalunga, kuveta, kusolola Chifwanyisa cha Mukakuveta, ou Mujimbu wamwaza kunangula mu ngolo ja kusanguka cha Kulishitu. Echi chakwoloka.

<sup>92</sup> Uze mujimbu wachiseke waundende uze etu tukwechi, kaha *ou* umwe uli havifwinji, kaha kulinga *umwe* kupwa mukakuzachila muliuka, kaha *uze* mukakunangula umwe, mokomoko chumachimwe chikwavo nge ngachize, vosena milingu. Chapwile vene omu chasolokele ku Nicaea, mu Loma? Etu twatondo kufuma kuvyuma kana. Mesondisiti, Mbaputishiti, Pulishiteliyani, Pendekosita, na vyosena, etu twatela kutambuka kufuma muli chize.

<sup>93</sup> Milingu kayapwile yakupandama mu Liuka ko. Ou Shipilitu Wajila atela kumbata Liuka, kaha keshi kusakula cha milinguko hiya. “Kalunga ahakile muliuka vamwe vapositolo, vamwe tupolofweto, kaha vamwe vakakunangula, na vakakwambulula mujimbu wamwaza, na tufunga.” Keshi malunga vavotele muze. Kalunga avahakile vakiko muze, ha kusanyika cha Shipilitu Wajila, kuliwana chakulomba, kaha kunangika mavoko, na kutwama kumeso a Kalunga.

<sup>94</sup> Oloze, lelo, etu tuli wakulifutula na kulifukula chetu palanga chinapu vene nge milingu, livene, luze etu kuhema echi mu vikungulwilo vyosena. Etu tuli . . . Umwe keshi kuhasa kwinyika kuli mukwavoko. Etu tuli vosena namulonga. Muze ove muwana

malunga vamwenemwene na mapwevo vamwenemwene. Oloze ukalu, chumamuka Nguli nakushinganyeka hali echi, etu tuli nakupwa chikuma ha—ha kusali yayindende, vathu vamwenemwene vaze vanatondo kufwelela kaha vanatondo ngolo ja Kalunga. Kuze kuli vavavulu vananehe mukusoloka cha chiseke, “Chamwaza, *ou* napu lunga wamwaza. Ikiye napu mukweze wamwaza.”

<sup>95</sup> Etu tukwechi mauka amwaza. Etu tweji kutunga mauka amwaza, kaha mauka amwaza kuhambakana omu twapwilenga. Echi chosena chakwoloka. Kakweshi chuma chakufumbukila chizeko. Ngwazanga kumona liuka kufukila.

<sup>96</sup> Oloze, ndumbu walunga, Ngwatela kumona echi kufukila mungolo ja Mwata kuhambakana kufukila muno mukaye. Kukinduluka ku Mujimbu wamwaza cheka! Kukinduluka ku ngolo ja Kalunga! Kukinduluka ku pendekosita, va...nge omu chapwile chatete. Oloze, mwamono, ukalu uliho uli, etu katwazangile kupwa na chize kuvetako.

<sup>97</sup> Ove unahase kuhanjika chumachimwe hali chumachimwe, kaha chuma chauthu lize liuka lili nakulinga, mokomoko—mokomoko chuma chachiseke, hano vene kuchikana, kusoka vikolo. Ove kaweshi kuhasa kwiza nakwingilako, talenu, mwomwo vakiko kupwa nakuliwana kaha kukuhoneza. Vakiko kavatondele ove chekako. Vakiko ngwavo, “Ove uli wakuzaluka. Ove unajimbalisa wongo wove.” Oloze kachi kaha chili MUKIKO MWANAMBE MWATA, chize kacheshi chumako kuli yami kala muthu mwahanjika. Echi chinatondeka ngolo ja Kulishitu kwalumuna muthu. Echi nachitondeka ngolo ja Kulishitu kulama muthu.

<sup>98</sup> Kaha nge Yesu ahanjinjikile lwola lumwe, “Talenu hali liya. Kaha ohonyi Ngunahanjika kuli enu nge Solomone, muupahu wenyi wosena, kapwile nge umweko.” Solomone, mu upahu wenyi wosena, wapwile nge—nge kusoloka chamwaza. Kakweshi kukakasana ko. Ikiye apwilenga chuma chachinene kukaye, kaha muthu wamunene kumeso a Kalunga. Oloze chikuto cha Solomone kachapwile na kuyoyako. Chize chapwile chihanda cha lihina, kakavulu kumuteula uze mukoko kunyimka kuze. Oloze, liya akwechi kuyoya.

<sup>99</sup> Chuma etu twatondo lelo shina Kuyoya cha Kulishitu mukachi ketu. Chize chikiko cheji kutomesanga; keshi kuwelukako, kwalumuna usungwa, mokomoko ndingili yakutanga vyauthu, mokomoko chumachimwe. Echi chinatondeka ngolo ja Kulishitu wakusanguka kutulingisa etu kupwa omwo twatela kupwa. Kalunga katwama na pungako kuhambakana Shipilitu Wajila kutetekela na kuyula mu Liuka.

<sup>100</sup> Mamalelo, Kalunga, Ikiye apwile chikuma muchifwanyisa cha Kalunga, palanga Ikiye na Kalunga ejile nakupwa Umwe. “Yami na Tata Yami twapwa Umwe.” Mamalelo, yami! Chiyoyelo

kana chapwilenga chika, mwomwo Kalunga ayoyela muli Ikiye, nge chiyoyelo Chenyi chosena chapwilenga chakujingilika muli Kalunga. Shikangaho chize chapwilenga chitengo!

Satana ejile kuli Ikiye.

<sup>101</sup> Lwola lwosena Kalunga ashinganyekele nge Ikiye apwile na mukulwane, Satana engililemo. Ikiye engilile muli Mose, kaha ikiye ahokwele jishimbi. Oloze omwo ikiye ejile kuli echi Chitengo, chize chapwile kusakula cha Kalunga ivene. Amena. Ikiye apwile—Ikiye apwile wakutongola kuli Ikiye. Echi kachamulingile mwamwazako. Ikiye atwamine mumuchano kuli Kalunga, omwo Kalunga atalile hali Ikiye kaha amwene Ikiye vamwesekele mumakumbi fwote muze mupambo, nge Mose. Mukiko vene, vosena vaze malunga vamufwanyisa Ikiye. Lushimbi valuhokwele. Oloze omwo ikiye ejile, Satana, uze mukakweseka wamunene, kaha esekele kumweseka Ikiye, ikiye kawanyine Mose ko kuze. Nduma, mwane. Ikiye kuneha faifi sauzande watt volt kupwa namavava omu ikiye atumbukile hali Umwe namukwavo.

<sup>102</sup> “Echi vachisoneka,” Ikiye ngwenyi. Talenu? Alama ambachile. Oloze, Yesu, Alama wamuchivali, chize Chitengo chize chejile, ha Mukakusokola, Ikiye ambile ngwenyi, “Echi vachisoneka, ‘Muthu keshi kayoyela ha mbolo kahako, oloze ha Lizu lyosena lize nalilovoka mukanwa ka Kalunga.’” Kuze Ikiye apwile na Chitengo. Eyo, mwane. Ikiye ahanjikile chumachimwe nawa. Ikiye ambile ngwenyi, “Echi vachisoneka, ‘Ove kawatela kweseka Mwata Kalunga koveko.’ Fuma kumeso ami, Satana.” Kuze kwapwilenga Chitengo. Chuma muka Ikiye alingile?

<sup>103</sup> Keshi kuhanjika, “Nanguya nakulweka liuka lyami. Nanguya nakupwa na mukakunangula kulinga *munganji mukananga*. Uze mbishopu mwaya nakulinga *munganji mukananga*.”

<sup>104</sup> Ikiye ngwenyi, “Echi vachisoneka.” Echi chikiko Ikiye ahakile Alama Wenyi watete kunyima, kaha ikiye aholokele, kaha Satana achisokole. Oloze ikiye kahashile kuhaka uze Umwe, chipwethuhu chuma ikiye alingile. Chikumanyi, palanga ikiye . . .

<sup>105</sup> Kalunga ambile ngwenyi, “Ou ikiye Mwa Nami ngwazanga. Mwivwulilenu Ikiye. Vyuma vyosena, Nanguhana vyuma vyosena kuli Ikiye. Enu, mwivwulilenu Ikiye.” Vakiko vapwile Umwe. Vakiko vapwile youmwe Umwe. Kalunga ayoyele muli Ikiye, kumulingisa Ikiye kupwa Kalunga, Emanuwele, hano hamavu. Ikiye apwilenga mwana Mukoko wakukupuka, mamalelo, Chitengo chakusokola. Chamwivwushile kuwaha Kalunga, jino, kupwa kaha nge chize cha Michelangelo, Ikiye apwile wakuhwimina na kuyoya Chenyi. Etu tunawane mu . . .

<sup>106</sup> Ngukwechi Visoneka vyakusoneka hano. Mako 9:7, kachi enu mwatondo kutanga echi. Omwo . . . ha Pili ya Kwalumuka. Omwo

Ikiye apwile kuze ha Pili ya Kwalumuka, etu tunawane nge kuze kusoloka cha Mose, kaha kuze kwasolokele Elija.

<sup>107</sup> Kaha jino, chuma chatete munatachikiza, uze kapositolo Petulu apwile wakuhwimina, palanga ikiye ambile ngwenyi, “Echa tutunge jimbilaka jitatu hano. Etu natuya nakutungua mazavu atatu kufuma muli echi. Etu natuya nakutungua vikungulwilo vitatu: umwe hali Mose, umwe hali Elija, na umwe hali Ove.”

<sup>108</sup> Shimbu ikiye ahanjikile, kwijile lizu lya kufuma mulivwi. Lyambile ngwalyo, “Ou ikiye Mwa Nami ngwazanga. Nguli wakuwahilila na Ikiye, Nguli nakuya nakumuveta Ikiye hali ove. Mwivwulilenu Ikiye. Ikiye mwaya nakuhanjika.”

<sup>109</sup> “Ikiye vamulemekele hakuzombojoka chetu jishimbi. Ikiye apwile wakulemeka ha upapwoke wetu.” Ikiye apwilenga mwana Mukoko, uze Mwana mukoko wa Kalunga, uze Mulambu wakukupuka. Kanda lyehi kupwenga naumwe pimbi ayoyele nge Ikiye, kanda lyehi apwenga muthu umwe kufuma haze ayoyele nge Ikiye. Ikiye apwilenga Chitengo chakukupuka, akwachilile ku Lizu lya Kalunga mukiko vene.

<sup>110</sup> Kalunga mukuputuka kuhana Lizu Lyenyi, *echi* chihanda cha lwola, hali *chize* chihanda, cha *chize* chihanda.

<sup>111</sup> Kuze kukiko malunga vapwile vakuhungumwisa kaha vakuzaluka lelo. Vakiko vali nakweseka kutunga chumachimwe chize chasolokele mummyaka fwote, fifite kunyima okwo. Etu twapwa . . . Chize chapwile—chize vachihanyine kuli chize chisemunuino.

<sup>112</sup> Kuwaha muka chalingikile Mose kwiza na—na mujimbu wa Enoch? Kuwaha muka chalingikile Mose kwiza na—na mujimbu wa Nowa? Kuwaha muka chalingikile Yesu kwiza na—na mujimbu wa Mose? Talenu? Kaha kuwaha muka nachipwa na Wesley kwiza na mujimbu wa Luther? Kuwaha muka nachipwa na Pendekosita kwiza na mujimbu wa Wesley? Talenu omu Ngwatwale?

<sup>113</sup> Echi chili chosena vachihana muno mu Mbimbiliya, kaha etu twatela kutachikiza chisemunuino na ola, kaha chinapu cha etu. Kaha kuze kukiko etu tuli nakuholoka lelo. Etu tuli nakutungua vyuma vyosena oloze Mbimbiliya. Eli linapu likumbi lize etu twatela kupwa nakuyoyelamo. Eli linapu likumbi lize Kalunga nahake hano. Echa tutale mu Lizu.

<sup>114</sup> Omu mukiko vakiko vanahono kumona Yesu, vase va Fwaliseu, na Sanduke, Vakahelote, vikungulwilo vyakuhandunuka vya lize likumbi vahashile kuvihaka hamwe, kaha kuvikasa hamwe mwakukupuka, kakwapwile jila yakuchinyinako, vakiko vashinganyekele, oloze omwo Ikiye ejile, Ikiye mukikovene, Ikiye apwilenga wakuhandunuka kufuma kuli vosena vase vashinganyekele echi. Ikiye apwile wamundende, Mukweze wakulikehesa kusemuka mumahina,

na...vatela kupwa Mwana wakuzeneka ise, kaha vyuma vyosena nge ngachize.

<sup>115</sup> Oloze, ohonyi, Ikiye ejile vene mujila Chisoneka chahanjika Ikiye mwaya nakwiza. Kaha vakiko vapwile vaushona kuli vize ahanjikile Mose, kaha Mose ahanjikile hali Ikiye. Ikiye ngwenyi, “Chamwaza, kachi ove unejiva Mose, ove kachi munangutachikiza Yami. Mose ahanjikile hali Yami.” Kaha hanga vakiko vahonene kumona echi. Kupwa kaha nakuchongonoka mu visemwa vyavo, palanga vakiko vahonene kumona. Oloze, mwamono, Ikiye kejile na kusolola vize vikungulwilo vya lize likumbiko. Ikiye kejile na kusolola kulifukula cha vikungulwiloko.

<sup>116</sup> Ikiye ejile nakusolola Tata, kaha Tata apwilenga lize Lizu. Amena. Jino Ngulinakwivwa kulifukula. Ikiye ejile nakusolola Lizu lya Tata. Kalunga ambile ngwenyi Ikiye mwaya nakupwa kuze, kaha kuze Ikiye apwilenga, Mwata wakukupuka wa livoko lya Kalunga. Mamaah, yami! Ikiye apwilenga kusoloka chakukupuka cha Ikiye. Ikiye alisolwele vyuma vyosena vize—vize Kalunga ahanjikile. Ikiye asolwele chumamuka Alama ahanjikile hali Ikiye. Ikiye asolwele hali tupolofweto vosena vahanjikile, hali vakakuluka vosena vahanjikile. Vyuma vyosena vize Ikiye ahanjikile, Ikiye apwilenga kuzalishiwa cha Lizu. Miyachi yosena yazalishile muli Ikiye. Yaah. Ikiye ejile nakupwa Yehova wa Tesitamende Yayihya. Ikiye apwilenga Yehova wa Tesitamende Yamwaka. “Lize Lizu vene,” lize lyapwilenga mu Panda ya mulangi wa Kakahya, “lyasolokele na kutwama mukachi ketu.” Yehova ka Tesitamende Yamwaka ejile nakupwa Yesu wa Tesitamende Yayihya. Ikiye apwilenga kusoloka cha kukupuka cha Kalunga.

<sup>117</sup> Mamalelo, kachi eli Liuka lelo vanahase kusolola nge Liuka lyatete, omwo Shipilitu Wajila aholokele ha Likumbi lya Pendekosita! Kachi Mukakulishitu lelo nahase kusolola! Etu twapwa lizavu lya kusakisa, kuchuma vakiko vapwilenga.

<sup>118</sup> Ngwahichile, kwiza lelo, Ngwapwile nakutala, kwiza nakushikumuka hano, ha Casa Grande, mokomoko vimwe evi vihela vyavindende hano, Ngwatalile kuze kwapwilenga na—na wande wanda, kaha kukulombe yakuhandunuka. Vakiko vapwilenga na jiwindmill, jakukoka meya, mangana vatwalilengaho kuya lika. Mwomwoika? Kayapwile yakupandama kuzeko. Punduvene nduma. Oloze, tala haze hali ize cactus yamwaka, numba kayahashile kunoka hamyaka yitanuko kaha nayitwalilaho kuyoya. Kaha enu kamweshi kuhasa kuhaka meya ha makumbi amandende, kaha mwaya nakufwa. Mwamono, keshi kumaputukiloko.

<sup>119</sup> Omu mukiko mujila etu tuli. Etu vatela kutulela, kaha kupwa navyuma vyavinene muliuka, kaha kukulembejeka, kaha kuvuluka echi, chize, mokomoko chuma *chikwavo*.

<sup>120</sup> Chamwaza, vakiko Vakakulishitu vakulivanga vapwilenga vakufwakuluka. Vakiko kavazakamineko hiya mwavalembejeka nakuvaveta hanyima. Vakiko kusolola Yesu Kulishitu, shikaho, nge vakiko vambile ngwavo. . . Vakiko vatachikijile vakiko—vakiko vapwile vakuhona kutachikiza kaha vakuhona kutanga. Vakiko kavayile kushikola yayinene, kaha vakiko kavapwile na ndingili yayinene. “Oloze vakiko valivulukile vakiko kupwa na Yesu.” Omu mukiko vakiko vanatondo, Vakakulishitu lelo, veji kumbatanga nge ove unapunga na Yesu. Kuli chumachimwe hali ove, chize chinapu chakuhandunuka. Ngunatachikiza nge kacheshi. . . Chize chinapu chuma chakuzeneka puho kuhanjika, oloze etu katweshi nakutala ha puho. Vakakulishitu vali nakutala keshi ha chumachimwe chawashi.

<sup>121</sup> Ndumbu wapwevo wakashinakaji muliuka lyami myaka yakunyima, apwilenga nakwimana na kwimba mwaso:

Kumana Vangutwale kwimbo Mwilu  
Ha kahela ka temo,  
Shimbu veka vazungile nakuhasa  
nakutambula fweto  
Kaha vahichile mukalungalwiji wamanyinga?

Nduma, Ngwatela kuzunga kachi Ngwatela  
kuyula.

<sup>122</sup> Enu munashinganyeka chuma muka enu namulinga kachi enu mwapwile hano kaha vyuma vyosena vyapwile vyakufumbukila Yesu Kulishitu, kachi ove ayoye mumakumbi Eyi. Ove uli nakuyoya kuze, ndumbwami walunga, ndumbu wapwevo. Echi chakwoloka. Ikiye hanga apwa Lizu. Tala omu vakiko kulyatangila hali Echi lelo. Tala omwo vakiko vali nakweseka kulivwasana Echi, na kulinunga Echi, na vyuma vyosena nge ngachize, na kaye. Imana. Mbata—mbata kwimana chove hali Yesu Kulishitu na Lizu Lyenyi. Kanda kwecha chuma chimwe chihonesa echiko. Twama kaha na Echi.

<sup>123</sup> Nge malunga vakukosa vachi Chinese, vapwilenga nakwiza kuno ku Arizona kaha California, myaka yakunyima. Ikiye kahashile kusoneka lizu limwe lya mu Ingilishi ko. Ikiye kachitachikijileko. Enu mbatenu vyakukosa kuli ikiye. Munatachikiza chuma ikiye mwaya nakulinga? Ikiye apwilenga na vihanda vya mapapilo, kakweshi chuma chakusoneka hali echiko. Ikiye mwaya kaha nakupula chihanda cha lipapilo na kuhana chihanda chimwe. Omwo ove mukinduluka, chihanda cha lipapilo lyatela kupwa na chihanda cha lipapilo, mokomoko ove kaweshi kuhasa kupwa na kukosako. Chize chikiko chosena kupwa kanawa. Enu munahase kulondezeza lijina, oloze kamweshi kuya nakuhulamisa ikiye kuzeko, mwomwo chize chihanda cha lipapilo chatela kupwa vene na chihanda cha lipapilo.

<sup>124</sup> Omu mukiko mujila Kalunga atangile chivwasano Chenyi nawa. Kutachikiza chetu kacheshi kutambukila hamwe na jishimbi jauthu, jishimbi jimwe jauthu, na chikungulwilo chimwe, oloze lili lya Lizu lya Kalunga, Yesu Kulishitu. Chakwoloka. Omwo etu natwiza kuli Kulishitu, kahajino Kulishitu muli nakutonda etu. Ikiye amupulile Ikiye muvihanda vivali, ha Kavali. Chihanda cha echi Ikiye azundwile, kaha kutwama kulivoko Lyenyi lyachilyo, uze apwile mujimba. Eyi Shipilitu, Ikiye ejile, atumine kunyima hano kulingisa Mwenga hali Ikiye. Kaha chize kutachikiza chochimwe chize chapwile muli Kulishitu chatela kupwa muli etu.

<sup>125</sup> Ikiye apwilenga—Ikiye apwilenga vene wakukupuka palanga Ikiye azangile uze Mukakusonga, kaha kumuhwimina Ikiye chikuma palanga Ikiye kumuveta Ikiye ku Kavali. Mamaah, yami! Jino etu twamumono Ikiye kupwa nge omu yahanjika Muchisoneka, Chitengo cha Kalunga. “Etu twamumono Ikiye, kumuveta, na kuyanda cha Kalunga.” Kuze kuli Chitengo chivene. Nge chize cha ‘Angelo avetele chenyi, mukiko chalingishile. . .

<sup>126</sup> Kachi Ikiye ayoyele chiyoyelo chamwaza, Ikiye apwilenga nge vathu vamwe vase veji kunangulanga mujimbu wamwaza wakulifwana na lelo, “Ikiye apwilenga kapolofweto.” Ikiye apwilenga kapolofweto, oloze Ikiye apwilenga kuhambakana kapolofweto. Ikiye apwilenga Kalunga. Ikiye apwilenga Emanuwele.

<sup>127</sup> Kaha jino chuma muka chamulingishile Ikiye vene, kuli yami, uze—chize Chitengo kuli yami na ove, mwomwo Kalunga amuvetele Ikiye. Ikiye amuvetele Ikiye ku Kavali. Kachi Ikiye kavaveteleko. . . Chipwethuhu vangahi vafwile Ikiye avasangwile, omwo Ikiye wamunene anangwile, chiyoyelo Chenyi chachinene chapwile, chuma muka Chenyi chapwile, Ikiye apwilenga wakwinjikiza muze. Ikiye apwile wakusuuluka, Kalunga apwile, palanga Ikiye apwile Muthu kaha uze emanyine kumeso a mavu nge Kalunga nahase kuveta hali vosena. Uze Umwe wakukupuka apwile wakuveta na ukalu. Tengeso yosena ize yaholokele, kuhichila muli Alama, vayasokwele kuhichila muli Yesu Kulishitu. Chitengo cha Kalunga chinema cheseko. Ikiye alingile ngachilili? Ha Lizu. “Echi vachisoneka, ‘Muthu keshi kukayoyela ha mbolo kahako, oloze ha Lizu lyosena lize nalilovoka mukanwa ka Kalunga.’”

<sup>128</sup> Mamalelo, Sepa lya Vakakulishitu, kuvwala chitwa chosena cha Kalunga. Kanda kwimana kunyima na chishinganyeka chachindende cha jishimbi jauthu, mokomoko chumachimwe chize enu munemanyinaho. Kuvwala chitwa chosena cha Kalunga omwo ove muya nakuzunga na mukakole, nge omu Mwata alingile. Ikiye kusolwesa chize omu kuzeya cha Mukakulishitu kuhasa kufungulula Satana na Lizu. Ikiye apwile na ngolo, Ikiye pamo avetele Satana mukala jila Ikiye

atondele, oloze Ikiye kazachishileko. Ikiye ambachile kaha Lizu kaha kuhonesa Chize. “Echi vachisoneka. Echi vachisoneka.” Kwosena, “Echi vachisoneka.” Shikaho Ikiye ahonesele Satana ha Lizu Iya Kalunga.

<sup>129</sup> Jino, uze apwile Mwata wakukupuka kaha Kalunga amuvetele Ikiye. Chitalilo muka Chapwile! Chuma chivene! Kuhanjika hali Michelangelo ya—ya fuli kuze, kuli Mose kupwa wakuveta ha lihinji? Eyi Mbimbiliya ngwayo, “Ou Lunga apwile wakukwita kanawa hali vathu vosena. Ikiye apwile wakukwita kanawa palanga nomu Ikiye kasolokele kupwa nge mwana muthu ko. Ikiye apwile wakuveta. Ikiye apwile wakutawa. Ikiye apwile wamanyinga. Ikiye apwile wakupula.” Ikiye. . . Vyumavimwe vize vinahase kulingika. Ikiye asolokele nge kupwa kaha—kupwa kaha na mulumba wa Manyinga na vifuwa, kutambuka hamwe. Ikiye kasolokele nge muthu ko, nge omu Ikiye ajihile ku Kavali. Kalunga amuvetele Ikiye hali etu. Echi chikiko chamulingisa Ikiye kupwa Mukulwane wakukupuka.

<sup>130</sup> Mamalelo, omu Ngwamuzanga Ikiye, kutachikiza nge Ikiye alingile chize hali yami, kutachikiza nge Ikiye alingile chize hali ove. Nachipwa ngachilihi etu—omu tunahase kupwa na echi? Kwauchi umwe nahase kupwa nge echi. Naumwe pimbi wakutela kupwa na chizeko. Etu twapwile hano chakuzeneka lutalililo. Etu chakuzeneka Kalunga. Etu chakuzeneka jila ya kusokoka. Etu vosena twasemuka muusunda, kaha etu twatela kufweta ndando. Oloze Ikiye ejile, Umwe wakukupuka, kaha apwile wakukupuka kaha wakuwahilila palanga Kalunga amuvetele Ikiye mwomwo ove na Yami.

<sup>131</sup> Jino, mwahichi myaka tu sauzande, Kalunga napunga nakweseka kuvatula Ikiye kupwa Mwenga, vavuluka kupwa Liuka. Echi chakwoloka. Nyi Kalunga eji kuchilinga ngachilihi? Ikiye eji kuchilinga kuli jijila Jenyi ja kwalumunanga, eli Lizu. Kalunga kanda lyehi alumuke mujila Yenyi. Kala muthu, ove unahase. Ove kwalumuna. Ngwalumwine. Lwola kwalumuka. Kaye kwalumuka. Oloze Kalunga kalumukako, Ikiye apwa wakukupuka. Ikiye kalumukako. Kaha jila Ikiye eji kulinganga chuma lwola lwatete, Ikiye eji kuchilinga lwola lwosena mujila yoyimwe.

<sup>132</sup> Ikiye alwilile muthu lwola lumwe mwomwo ikiye alikonekelele. Omu mukiko mujila ikiye mwaya nakulwila muthu cheka. Ikiye ahindwilenga muthu umwe mwomwo ikiye apwilenga na lufwelelo. Ikiye mwaya nakuhindula uze ukalu woumwe. Ikiye kanda lyehi alumuke jila Yenyi, mwomwo, talenu, Ikiye apwa wakulimanyina kaha Ikiye apwa Hayamyaka. Ikiye apwa wakuzeneka maputukilo na makumishilo, atachikiza vyosena. Ikiye apwa Kalunga. Kaha shikangaho Ikiye katela kuhula kalamuthu ha manganako. Ikiye katela kuvandamina palanga Ikiye kulinangula chikuma. Ikiye katonda ndingili

yayihyako. Ikiye apwa wakukupuka. Kaha kala ndingili, kaha kalachuma Ikiye mwalinga chatete, kusakula Chenyi chatete hanga asala kupwa mwomumwe hayamyaka. Echi kacheshi kuhasa kwalumukako. Mamalelo, omu Ngunawahilila Yami!

<sup>133</sup> Kaha omwo Ikiye atangile mwata Wenyi watete, Ikiye amuhakile ikiye kunyima ya Lizu. Omwo Ikiye atangile Chitengo Chenyi chamuchivali, Ikiye apwilenga lize Lizu. Amena. Ikiye apwilenga lize Lizu; keshi *kunyima* ya Lizu ko. Oloze, Ikiye apwilenga lize Lizu. Kalunga kanda lyehi alumuke punga Yenyi. Echi chikiko vene Ikiye aputukile kulinga liuka Lyenyi lyatete na, eli Lizu.

<sup>134</sup> Jino, Kalunga, eli Lizu, mukuputuka, Ikiye apwile wakulimanyina kufuma kuvyuma vyosena, vyuma vyosena nawa, vathu vosena. Jino, Kangwambile ngwami echi kupwa chakuhandunuka. Kalunga apwa mukakuhandununa. Munatachikiza ngachize? Enu namuhanjika ha vilinga? Kalunga apwa mukakuhandununa. Ikiye punduvene mukiko alinga. Ikiye eji kuhandununa vathu Jenyi kufuma kukaye. Ikiye ahandunuine Isalele, lifuchi Lyenyi. Ikiye ali nakweseka kuhandununa liuka Lyenyi kufuma kukaye, oloze liuka linatondo kuya hamwe na kaye. Oloze vathu Jenyi hanga vapwila, vakuhandunuka kuli Ikiye. Ou ikiye Hiya? Eli Lizu.

<sup>135</sup> Muthu mwapwa ngachilihi na lujimiko lwa Shipilitu Wajila, kaha Shipilitu Wajila asonekele eli Lizu, kaha muthu ali na lujimiko lwa Shipilitu Wajila na kukana Lizu? Nachipwa ngachilihi na Shipilitu Wajila muli enu kukana Lizu Lyenyi Ivene lize vamihakile muli enu? Kangweshi kuhasa kwivwushisako. Echi chatela kwitavila na Lizu. Kaha kachi shipilitu yove muli ove kaweshi kuhasa kwitavila jishiko josena ja Kalunga na “amena,” kuli chumachimwe chakuhenga.

<sup>136</sup> Ndumbu walunga Fred Sothmann mokomoko muthuumwe hano ufukuuno, atangile, “Yesu Kulishitu youmwe zau, lelo, na hayamyaka.” Ikiye napu Lizu. Chize, punduvene. Ikiye lwola lwosena youmwe, talenu, kaha shipilitu yove yatela kwitavila echi na “amena.”

<sup>137</sup> “Mamalelo, Ikiye, mujila yimwe Ikiye ali.” Mukala jila, Ikiye apwa youmwe zau, lelo, na hayamyaka.

<sup>138</sup> Jino etu tunatachikiza nge Kalunga aputukile kumulingisa Ikiye kupwa—kupwa Mwenga wa Kulishitu. Shikaho. . . Kaha Mwenga atela kupwa wakusoloka hamwe na Ikiye na muli Ikiye, mwomwo chinapu chihanda cha Ikiye. Jino, Mwenga apwa chihanda cha Ikiye. Ikiye napu chihanda cha Ikiye. Eli Lizu lya lize likumbi, ou Mwenga kwiza nakupwa chihanda cha eli Lizu, mwomwo ali Kulishitu. Jino, enu mwafwelela echi? Etu twatela kupwa muli Kulishitu. Muli Kulishitu, etu twatela kupwa wa Kulishitu, muli Kulishitu, chihanda cha Kulishitu.

139 Pwevo chumamuka, omwo ikiye mwambata lunga, mokomoko lunga kumbata pwevo? Uze pwevo atela kupwa chihanda chenyi. Vakiko kaveshi cheka vavaliko. Vakiko vali umwe.

140 Kaha omwo Kalunga na Kulishitu ejile nakupwa umwe, Vakiko vapwile Umwe. Mwomwo, Kalunga apwilenga lize Lizu, kaha lize Lizu lyalitengelekele kupwa wachisemwa cha hamavu. Uze nyama na Lizu lyejile nakupwa Umwe. Kaha omwo eli liuka nalikeza nakupwa Mwenga wa Kulishitu, Ikiye na Mujimbu wamwaza kupwa youmwe.

141 Nauya ngachilihi nakuhanjika, kahajino, “Makumbi avikomwesa ahita lyehi”? Ove muhanjika ngachilihi, kahajino, “Ikiye keshi youmwe zau, lelo, na hayamyaka”? Ove muhanjika ngachilihi, “Vyuma kana hakupwa kapositolo mokomoko tumbaji, mokomoko muthuumwe mulikumbi likwavo,” omwo ove mupwa chihanda cha Ikiye?

142 Omwo, Ikiye ngwenyi, “Melu na mavu nawakahita, oloze Lizu Lyami kalyeshi kahonako.” Ngachilihi ha Kusoloka 22, omwo Ikiye akwechi kuhita mukusoneka Mukanda? Ikiye ambile ngwenyi, “Nanguhanjika echi kachi kala muthu mwakaya nakuhakako lizu limwe, mokomoko kumbata Lizu limwe kulifumisa muli Echi, chihanda chenyi navakachifumisa mu Mukanda wa Kuyoya.”

143 Natuya ngachilihi Mwilu, kahajino, kuhanjika, “Chamwaza, Ngwafwelela *echi*, oloze Kangwafwelela Chizeko”? Enu mwatela kupwa Lizu lya kuzala, mwomwo enu munapu chihanda cha Ikiye. Omu mukiko Kalunga ali nakweseka kupwa na Liuka Lyenyi lelo, keshi ha jishimbi jauthuko. Kaha vakiko vali nakweseka kutushinjila etu muli chize, masepa. Enu munahase kumona echi kwiza. Chize kusoneka chili hambango. Kakweshi kushimbulako palanga etu tuli nakuya nakupwa Liuka lya kaye. Kaha liuka lyosena naliya nakuholoka vene muli chize, mokomoko kwimana maukalu. Chamwaza, ove uli wakulizanga kwimana chize? Ove kawatela kulinga chizeko mwomwo ove unashinganyeka nge chakwoloka.

144 Ove watela kupwa na Kulishitu muli ove, mwomwo eli Lizu linapu Hayamyaka, kaha eli Lizu likiko nalikusangula cheka. Enu namwiza nakupwa chihanda cha eli Lizu. Enu vanamijivila hamwe na Lizu.

Lelo, ove ngwove, “Yami ngumuka Kulishitu.”

145 “Kuchikungulwilo muka wapandama?” Chamwaza, chize kacheshi na chuma chimwe na Ukulishituko.

146 Echi chili chosena chakwoloka kupwa na vikungulwilo. Kangweshi nakole na chizeko. Oloze, talenu, chize, chikiko vathu vali...Vathu vavavulu ngwavo Ngweji kutalanga vikungulwilo, Ngweji kuvatapulanga. Kangweshi ngochoko. Nduma, mwane. Evi vikungulwilo, vakiko vali vakwoloka. Echi

chili kaha nge kuzata chakulivwasana, mokomoko kalachuma nge ngachize. Oloze omwo naulovoka, mwomwo ove muhanjika, “Yami ngu Mukakulishitu mwomwo Ngwapandama kuliuka lya *munganji mukananga*,” chize kachalumbunukile chuma chimwe ko. Ove watela kupwa Kulishitu, kaha Kulishitu napu Lizu. Kaha lwola lwaluvulu evi vikungulwilo vili hahasuku na Lizu nge omu chili Mututuko na Mulauko.

<sup>147</sup> Ove watela kutwama na eli Lizu, kupwa Mwenga. Kachi ove uli muli Mwenga, ove uli mu Lizu, kaha eli Lizu lili muli ove. Kaha eli Lizu lize lyeji kusolola Kalunga kuhichila muli Kulishitu, kusolola Kalunga youmwe kuhichila muli ove. Amena. Amena kulumbununa “chipwenga ngocho.” Shikaho, chipwenga ngocho. Ngwafwelela echi kupwa Muchano. Ove watela kupwa wakusoloka hamwe na Ikiye.

<sup>148</sup> Jino, kachi Nguli nakuya nakupwa ka America wamwenemwene, kachi Ngunapu mwenyembo wa lifuchi lino, Ngwatela kulisolola hamwe na echi. Ngwatela kupwa kaha ikiye apwilenga, wakwoloka mokomoko wakuhenga. Ngwatela kupwa mwosena ikiye ali, wakwoloka mokomoko wakuhenga; vyosena ikiye mwaya nakupwa, wakwoloka mokomoko wakuhenga. Ngwatela kupwa wakusoloka hamwe na eli lifuchi, kachi Nguli nakuya nakupwa ka America. Echi chakwoloka? Mu upahu wenyi mokomoko sonyi, kukasunuka mokomoko wamwaza, kala chuma ikiye ali, Ngwatela kupwa tengi wenyi wakuzeneka kufwa. Ngwatela kwimana nge kulinunga. Vyuma vyosena ikiye ali, Yami. Vyuma vyosena ikiye apwilenga, Ngwapwa. Vyosena ikiye mwaya nakupwa, Ngwatela kupwa wakatambula kuli ikiye. Echi chakwoloka.

<sup>149</sup> Shinganyeka hali echi ha minyutu yayindende. Kahajino, kupwa ngachize, nge ka America . . . Nanguya kuli enu, shikaho enu namuya nakupwa vakukunyuka kumona echi, nge omu Nangupandama.

<sup>150</sup> Kupwa ka America, Ngwatela kupwa wakusoloka hamwe na vyuma vyosena vize ikiye alingile. Kahajino, Ngwahetele ha Plymouth Rock, na—na vakakuluka jenyi. Ngwapwilenga ku Plymouth Rock na Vakakuzuzumana. Ngwapwile kuze na vakiko. Ngwendele hamwe na Paul Revere, ufuku umwe, kuhuhumuna lino lifuchi kuli uze dan kukushindakana. Ngwatela kupwa, kachi Ngwapwile ka America.

Enu ngwenu, “Mamalelo, Ndumbu walunga Branham!”

<sup>151</sup> Vandamina munyutu kaha. Eyi Mbimbiliya ngwayo, mu Hepelewu kapetulu 7, nge, “Levi uze atambwile vyamulikumi, afwetelenga vyamulikumi, mwomwo ikiye apwilenga mumitanda ya Apalahama omwo ikiye aliwanyine na Meuchizandeke,” uze kaka ya kaka ya kaka ya kaka yenyi, kaha apwilenga wakatambwila hamwe na ikiye. Omu muzukulu wenyi wamunene apwile mumitanda, omu Apalahama afwetele

vyamulikumi kuli Mechizendeke, Kalunga ahanyine. Kumana Ikiye alingile echi? Echi chakwoloka.

<sup>152</sup> Kala lifuchi lili, Yami. Echi chakwoloka. Shikaho, Ngwahetele ku Plymouth Rock. Ngwendele hamwe na Paul Revere.

<sup>153</sup> Ngwazaukile Valley Forge, yapwile kuze kukalwiji na George Washington. Ngwapwile umwe wavo hali vaze maswalale vamu America vaze kavapwile na jisapato, jakutambukila kufuma ku British. Ngwapwile wakututa kumahinji chize chimene, omu Ngwaliuvile kumahinji. Ngwamwene Washington afumine mupambo, wakuzova, mbwe na mumbunda, kufuma nakulomba ufuku wosena. Ngwapwile kuze omwo chasolokele.

<sup>154</sup> Ngwemanyine na Stonewall Jackson, omwo kufumbukila chapwile chachinene. Omwo maswalale vakumaswalale vavatumine kuze, vakiko vambile ngwavo, “Maswalale vosena vanahokoka.”

Ambile ngwenyi, “Nyi Jackson ali kulihi?”

<sup>155</sup> Ambile ngwenyi, “Ikiye nemana nge lilolwa lya mumbango.” Ngwemanyine na ikiye kuze; wamundende, mukweze, nameso ausombo.

<sup>156</sup> Vakiko vamuhulile ikiye lwola lumwe, “Nauya ngachilihi nakwimana omwo kufumbukila chili chachinene?”

<sup>157</sup> Lunga wakuvwala mwakalemesa, ikiye kufumisa jombolo nge *ngachize*, ambile ngwenyi, “Kangweshi ngunwe meya mukanwa kamiko, palanga Ngwasakwilila Kalunga Wakulitulaho.” Ngwemanyine na ikiye mu kukunyuka chenyi. Ngwemanyine na Stonewall Jackson. Echi chakwoloka.

<sup>158</sup> Ngwapwile ku Boston Tea Party. Ngwakafwile kumbila vamwe va British Tea kulovoka mukalungalwiji. Ngwapwile na, hakupwa ka America. Eyo, mwane. Eyo, mwane. Ngwafwachikile chize Kuvilika cha Lipande, na Thomas Jefferson. Ngwembile ngezo ya Liberty Bell, ha Kuhuhu 4, 1776.

<sup>159</sup> Nguli wakusoloka hamwe na sonyi navaze vakakutungulula, omwo vandumbu vamaunga vazungile na ndumbu walunga, kaha tata hali mwana. Ngwatela kulisolola mu sonyi yenyi, chochimwe nge omu Nguli wakulisolola mu upahu wenyi. Echi chilivene chakwoloka.

<sup>160</sup> Ngwapwile ha Wake Island omu maswalale vosena vajimbalishile kuyoya chavo. Ngunavamono vakiko kulinga echi. Ngunavamono vakiko omu vakiko vambachile Wake Island. Ngwakafwile ize ndembele ha Guam. Punduvine.

<sup>161</sup> Vyosena ikiye apwilenga, kaha vyosena ikiye alingile, vyosena ikiye ali jino, Kulivwimba kuhanjika Ngwapwa chihanda chenyi, mwomwo Ngunawahilila kupwa ka America. Keshi ngochoko?

162 Kupwa Mukakulishitu, Ngwatela kupwa youmwe. Haleluya! Eyo, mwane. Kachi Ngunapu Mukakulishitu, kahajino Ngwanangwile Mujimbu wamwaza kaha ahuhumwine kusopesa cha kwiza, na Nowa. Eyo, mwane. Ngwapwile chihanda cha echi kunyima kuze, muze. Ngwapwile chihanda cha pungu ya Kalunga.

163 Ngwapwile na Mose kuze ku chiputa chakuwema. Ngwapwile wakupapula kufuma mu Ejipitu na Mose. Ngwayile mupambo na kuya, kaha Ngwapwilenga na ikiye kuze ku chiputa chakuwema. Ngwevwile lizu Lyenyi. Ngwamwene upahu Wenyi. Ngwamwene Panda ya mulangi wa Kakahya kunyima muze muchiputa kuze, kuhanjika kuli Mose.

164 Ngwapwile na ikiye ha Kalungalwiji Uchila omwo kusokoloka. Ngwamwene Panda ya mulangi wa Kakahya kwimana ha Pili ya Shinayi. Ngwalile mana muze mupambo na kunwa kufuma ku lilolwa lya kuveta. Haleluya! (Kangweshi nakwivwa fifite faifi hano jino.) Amena. Eyo, mwane. Ngwalile mana muze mupambo, na vana va Hepelewu kukinduluka muze mupambo. Kaha Ngwanuine kufuma ku lilolwa lya kuveta.

165 Ngwemanyine na Yoshiwa chimene chize omwo ikiye apwilenga nakutala jimbango ja Yeliko, kaha ikiye amwene Muthu nemana. Ikiye afumishile poko yauvela kuvali na kulaha nakuliwana na Ikiye, ikiye ngwenyi, “Ove Yove hali etu, mokomoko Ove na mukakole wetu?”

166 Ikiye ambile ngwenyi, “Yami ngwapwa Kapitawu wa jita ya Mwata.” Ngwamwene Yoshiwa kumbila poko yenyi hamavu. Ngwafukamine na Yoshiwa omwo Ngwafukama kumeso Eyi, Mukulwane wa Jita Yenyi. Ngwamwene jimbango ja Yeliko kuholoka hamavu, kuvuma cha luneta.

167 Ngwamwene Yoshiwa, ambile ngwenyi, “Musana, imana kulu. Kaha, kakweji, imana ku Ajalon. Kanda kutambukako.” Ngwamwene musana kwimana kulu, kaha kakweji keshi kuhona kuhana kumunyakako. Ngwamwene vyosena kusoloka.

168 Ngwapwile na Ndanyeke muze muwina wava ndumba; na vana va Hepelewu mulilungu lya kakahya.

169 Ngwapwile na Elija, kuze omwo kaye kosena nakamukanyine, kaha Ahave na va Yezevele vosena na jikambu javo jakuteula na vyuma vya lize likumbi, kumeso akukwita ulombo na kuwahisa, vyuma vyosena vakwechi liuka. Ngwemanyine na Elija, kuvuluka mujimbu utoma na kutomesa, ha Lizu lya Kalunga. Haleluya! Ngwatwamine nenyi ha Pili ya Ngamela omwo ikiye emanyine ukawenyi kuze. Ngwamwene ikiye kulomba kakahya kufuma mwilu.

Ngwapwile na Ndavichi omwo ikiye ajihile Ngolyate. Upahu kuli Kalunga!

170 Chamwaza, kachi Ngunapu Mukakulishitu, Nguli wakusoloka muli vyosena vize. Ngwatela kupwa chihanda cha echi. Eyo, mwane.

Ngwapolofwetele na Isaya mu likumbi lyenyi.

171 Ngwapwile na Yowano Yotane omwo ikiye amwene katela kwiza hali Ikiye. Ngwemanyine na Yowano Yotane.

172 Ngwamumwene Ikiye kuhindula vakakuviza; kusangula Lazalu; kusangula mwana wapwevo wa Jairus kwiza nakuyoya cheka, hanyima ikiye apwilenga wakufwa. Ngwamwene chize.

173 Nguli wakusoloka hamwe na Ikiye mu kufwa Chenyi. Afwile na Ikiye omwo Ikiye afwile ha Kavali, kaha Ngwakatukile cheka ha chimene cha Paseka na Ikiye, mu ngolo Jenyi ja kusanguka. Nguli chinjiho cha echi ufukuuno. Afwile na Ikiye ha Kavali, kusanguka na Ikiye ha Paseka. Haleluya! Kupwa chihanda cha Ikiye, Ngwatela kupwa wakusoloka hamwe na Ikiye. Ngwalisolwele hamwe na Ikiye mu kufwa Chenyi. Ngwalisolwele hamwe na Ikiye mu kuyanda Chenyi. Ngwalisolwele hamwe na Ikiye omwo vikungulwilo vyamukanyine Ikiye. Ngwapwile wakwinjikiza na Ikiye omu vakiko vamuhangile Ikiye muze mutembele, omu vakiko vesekele kumbila, nakumufhumisa Ikiye. Ngwapwile na Ikiye kuze. Ngwapwile na Ikiye mu kufwa Chenyi, asangukile na Ikiye mu kusanguka.

174 Kaha Ngwapwilenga na ize handulendi na twende omwo vakiko vahetele mukapete kahelu. Eyo, mwane. Ngwamwene kuhuhwa cha peho yayinene kwiza kufuma Mwilu. Ngwahanjikile mumalimi na kuwavisa ha Likumbi Iya Pendekosita. Haleluya! Ngwapwile kuze mwomwo Nguli wakulisolola na Ikiye. Upahu kuli Kalunga! Echi chakwoloka. Ngwanangwile hamwe na Petulu, mu Vilinga 2. Mamalelo, Ngwanangwile hamwe na ikiye kuze.

175 Ngwanangwile hamwe na Paulu ha Pili ya Mars, shimbu kanda kutoleka. Eyo, mwane. Ngwatela kupwa.

176 Ngwapwile hamwe na Yowano haze hapili ya Patamu. Ngwamwene chimweno cha Kwiza Chenyi. Yami... Ngwa—Ngwamwene Luther, Ngwapwilenga na ikiye omwo mukutungulula.

Ngwapwile na Wesley.

177 Kaha jino Nguli hano mu Yuma, Arizona. Haleluya! Nguli wakulisolola ufukuuno, hano mu zuvo ya Stardust Motel, na lizavu Iya vathu vaze vafwelela chuma chochimwe. “Kaha jino etu tunatwame hamwe muvihela vya Mumelu muli Kulishitu Yesu.” Haleluya! Nguli nakutala ha Kwiza Chenyi mu upahu, makumbi amwe. Kulisolola hamwe na Ikiye!

Kuyoya, Ikiye anguzangile yami; kufwa, Ikiye angulwilile yami;

Kufunda, Ikiye ambachile shili jami  
 kwakusuku;  
 Kusanguka, Ikiye anguvulukilile kwoloka  
 haya myaka:  
 Likumbi limwe Ikiye ali nakwiza—mamalelo,  
 likumbi lya upahu!

<sup>178</sup> Nguli jino wakusoloka mu lujimiko lwa Shipilitu Wajila; keshi chumachimwe hano mujila, chumachimwe myaka fwote kunyima okwo. Nguli nawo hano vene, upahu na ngolo ja Kalunga, kukonekela jishili. Ngunamono Ikiye kuhindula vakakuviza, kusokolola meso aupuputa, talenu Ikiye kwambulula vyuma vyakulutwe, kutanga michima ya vathu. Nguli wakulisolola hamwe na Ikiye mu mulimo Wenyi wa likumbi lino. Upahu kuli Kalunga! Nguli wakulisolola hamwe na Ikiye, ha kusokoka mulikumbi lya makumishilo. Ngwafwelela kupwa chihanda cha Mwenga wamunene uze ali nakwiza makumbi amwe.

<sup>179</sup> Chipwethuhu kaye nakahase kuhanjika ika, vakiko vanahase kutuvuluka etu kupwa “kuzaluka, ukenya, mokomoko Mbelezembule, mokomoko kuzaluka,” kala chuma vakiko vanatondo kupwa. Ngwatondo kupwa wakusoloka hamwe na lize lizavu. Nguli lika kuze. Nguli nakutwama kuze. Ngwasemukile kuze. Ngwatondo kutwama kuze. Nanguya lwola lwosena nakupwa kuze, mwomwo Kalunga anguhakile muze. Yami. Ngwasele liuka lyami, kwiza nakulisolola yami lyavene na lizavu lya vakakujila vakulyalanga. Nguli umwe wavo. Nguli wakusoloka hamwe navakiko.

Vakiko ngwavo, “Billy, ove unajimbalisa wongo wove.”

<sup>180</sup> Pamo Ngwalingile, oloze Ngwawanyine vishinganyeka vya Kulishitu. Ngwawanyine Lizu Lyenyi, vawanyine Kupwa Chenyi, kuwana nge Ikiye youmwe zau, lelo, na hayamyaka! . . . zakama kala muthu mwashinganyeka hali echi. Echi yami. Yami nguli umwe uze atela kulingisa katachikijilo. Nguli wakusoloka hamwe na Ikiye, ha Lizu lya Kalunga. Ikiye ambile ngwenyi, “Evi vinjikizo navikavakavangizanga vaze vakakufwelela.” Ngunawahilila Nguli wakusoloka muli chize. Eyo, mwane.

<sup>181</sup> Munatachikiza, uze mukulwane wa kaze kangita, lwola lumwe, enu mwevwa lyehi uze mujimbu, vakiko apwile na violin yamwaka kaha nakuyilanjisa, vakiko vatondele kulanjisa, kaha kwauchi nahase kulanjisa chize. Vakiko vambile ngwavo, “Hiya mwaya nakuhana ndola? Hiya mwaya nakuhana ndola na chimbwa?” Makumishilo, “Kuyamo kamwe, kuya kavali, ndola na chimbwa.”

<sup>182</sup> Makumishilo lunga wajikambu jawele kufuma mulikungumbuwa. Munatachikiza uze mujimbu. Kumbata chize, ambile ngwenyi, “Echa ngupwenga naechi.” Kuhaka mungongwela hamunguza, kaha kuvetaho lwola lumwe. Vathu

vaputukile kulila. Masoji aputukile kupwelumuka kumeso avo, nge ngachize.

<sup>183</sup> Kaha omu vakiko valingile, uze mukakulanjisa ambachile cheka, ngwenyi, “Hiya mwaya nakulinga umwe,” ambile ngwenyi, “sauzande ya mandola, tu sauzande, faifi sauzande?”

<sup>184</sup> Chihandwa muka chapwileho? Uze mukakunangula, uze umwe atachikijile, uze umwe atungile chize, ikiye atachikijile mwakulovokela chumamuka chapwile muli chize.

<sup>185</sup> Kaha kachi etu natweseka kuneha mauka etu kufuma mujishimbi na vikungulwilo, etu katweshi kuhasa kulinga echiko. Echa Mwata Mukakutunga uze muthu, Uze atangile muthu mu chifwanyisa Chenyi Lyavene, Uze ali nakutunga Mwenga ha chuma chochimwe, echa Kalepa Chenyi cha Shipilitu Wajila chikwate eli Lizu mumuchima wove lwola lumwe, kaha nachiya nakupwa chitalilo chamwaza. Chipwethuhu mauka angahi ove muyako, kaha majina angahi ali mu mukanda, echi nachiya nakulinga chikuma hali Yesu Kulishitu kuhambakana mauka osena, na vikungulwilo, na jishimbi jauthu, na mauka a kaye, na vikungulwilo, mukaye kosena.

<sup>186</sup> Ikiye ali nakulingisa Mwenga. Eyo, mwane. Ikiye ali nakufula malolwa jino, kuvatula kaye. Mamalelo, kulinunga na liuka, na jishimbi jauthu, na vikungulwilo, na jishimbi jauthu, vyosena vyatela kufuma ku Liuka; vishinganyeka vyavo, chihandwa, kunangujola javo na vyuma. Kinduluka kaha echa Mukulwane kumbata kunongama. Echa Mukulwane akumbata mumavoko Eyi, kuveta eli Lizu, kuhanjika, “Yesu Kulishitu apwa youmwe zau, lelo, na hayamyaka.”

<sup>187</sup> Hanjika, “Amena, Mwata. Ngulingise, ngutunge, ngulingise, Mwata, chuma muka Ngwatela kupwa.” Kahajino nakuya nakupwa wakuhandunuka.

<sup>188</sup> Kahajino, “Kachi Navanguzundula kufuma hamavu, Nanguya nakukoka malunga vosena kuli Yami.” Eyo, mwane.

<sup>189</sup> Ikiye ali nakukuvatula ove jino, kuvatula hamavu na Lizu Lyenyi kaha, kuvatula jishimbi josena na jishimbi jauthu na vyuma vyosena, kufuma kuli ove, kweseka kukinduluka kuli Mwenga wa Mwana, mukwavo kulutwe, chihanda cha Lizu. Eli Lizu.

<sup>190</sup> Yesu kahashile kumbata chihelako. Enu anukenu omwo vakiko atangile lize likumbi mu mukanda? Ikiye atangile kaha chihanda cha upolofweto, asele vosena mumakumbi akumakumishilo. Etu twatela kumbata chize chihanda.

<sup>191</sup> Shikaho, mwamono, Ikiye kuvatula, kutonda kuvatula Liuka, chochimwe nge omu Ikiye alingile na Mwana, nge Ikiye alingile Mwenga na Samwenga. Kupwa Mwenga Wenyi, ove watela kupwa chihanda cha Ikiye. Keshi chihanda cha

jishimbi jauthuko, keshi chihanda cha liuka, keshi chihanda cha chikungulwilo ko, oloze chihanda cha Ikiye. Kufula chize kala muyachi ya chifwanyisa kuhona kuzata. Ove vatela kukufula kufuma mu Lizu. Aka kaye kuvatula ove, kaha kuseza eli Lizu nakuyoyela muli ove.

<sup>192</sup> Uze Mukakutenga wamunene apwile wakutenga hali enu, wakulizanga kwimana na kulisolola ove lyavene muchifwanyisa cha kutonda Chenyi chize Lizu Lyenyi atonda. “Mumakumbi akumakumishilo Nanguya nakuhingununa Shipilitu Yami hali vakwechi mijimba vosena. Vana venu vamaunga na vamaapwevo navakaya nakupolofweta.” Kulishitu napu Chitengo vanasolola cha Lizu chinasoloka. Ove vakuhulile kulisolola ove lyavene muli Ikiye, ha Lizu lyolimwe, kupwa chitengo cha Mwenga.

<sup>193</sup> Jino, vandumbwami, Kalunga apwile na Chitengo jino, kuneha ku kaye, jino Ikiye atondele chitengo cha lelo. Ove uli wakulizanga? Ove uli wakulizanga, sepa lyami Vakakulishitu? Ove uli vene wakukunyuka nge chiyoyelo chove chili ngocho kusolola Kulishitu, chipwethuhu kaye nakahanjika ika? Vakiko ngwavo, “Ove unajimbalisa wongo wove. Ove uli wakuzaluka. Ove wayile na kulinunga na lize lizavu lya vakakujila vakulyalanga.” Kanda kuhaka mangana kuli chizeko.

<sup>194</sup> Kachi ove kaweshi vene wakulwilako, kaha Mumujimba, kaha Lizu lya Kalunga muli ove na kusolola Lyavene, kaha Kuyoya cha Kulishitu kusolola kufuma muli ove; ndumbu walunga, ndumbu wapwevo, kanda kumbata chize chihela. Kangwalizakaminako chumamuka ove, kutachikiza muka ove ulinacho, echa eli Lizu kusolola kuhichila muli ove hakumbi, mwomwo Kalunga, mu makumbi akumakumishilo, ali nakumbata Mwenga wa Mwa Nyeni, Yesu Kulishitu.

Echa tunongamenu mitwe yetu.

<sup>195</sup> Ove Tata wa Mwilu, chuma chamanya kumeso avathu va lizavu lyavaka mangana. Kutanga chami chili kuyanda-... chakuhona kutela, Mwata. Ngwalombo nge Shipilitu Wajila wamunene mwaya na kujimika awa mazu mukachi ka muchima wa vathu, nge vakiko navaya nakumona omu Ngwatwale, kachi vakiko kaveshi kuhasa kwivwushisa mujila yami yakuvatula vyuma, Mwata. Oloze, mukachi ka muchima wami, Ngwa—Ngwamono omwo Ove uli—Ove uli nakweseka kulinga.

<sup>196</sup> Ngwafwelela, Tata, Mwenga atela kupwa chihanda cha Samwenga. Ikiye atela kupwa youmwe nge Samwenga, mwomwo ikiye napu chihanda cha Ikiye. Ikiye keshi, keshi kuhasa kupwa Mwenga Wenyi palanga ikiye kwiza nakupwa chihanda cha Ikiye. Kaha echi chinapu chihanda cha Lizu, lelo, chize chahanjika Ikiye apwa youmwe zau, lelo, na hayamyaka.

<sup>197</sup> Lize linona lya tiliku lize lyayoyele kamwe mumavu, kaha aholokele hamavu, kukatuka muchifwanyisa cha linona lize lyengilile mumavu. Kaha, Mwata, ha Likumbi lya Pendekosita

kuze kwejile Liuka lyalinene. Kwejile linona likwavo lya tiliku, kupwa kutunga Samwenga na Mwenga mumakumbi akumakumishilo.

<sup>198</sup> Etu tunawane, chaholokele, hali Ikiye, ha myaka sauzande. Kufuma ku Kasulu ya Nicaea, kupwa nakuhaka ha mavu.

<sup>199</sup> Kutoleka vasonekele mukanda, *Uze Kalunga Wakuhola*, “Chize na checha vana vavandende kufwa, kaha kumujiha kuli vandumba, na kuvocha. Kaha gladiators kujiha Vakakulishitu, kaha kumwocha.” Kachi uze lunga apwile na kwivwushisa cha mushipilitu!

<sup>200</sup> Ize tiliku kupola muze mumavu, oloze kulovoka cheka, keshi kulifwana nge kushikumuka hamavu. Yayile nakufwana lize linona lyakulifwana na tiliku, oloze, omu chejile, chapwile nakusoloka, nge mukweze wa tiliku ize kwiza nakukanduka.

<sup>201</sup> Makumishilo echi kukula, kufuma muli Luther mbwe naku Zwingili, kaha kushikumuka, kaha makumishilo kwiza nakupwa sangu. Echi chalumukile chivene mumakumbi a Wesley. Kusoloka chindende chikuma nge tiliku, kaha chikuma nge kuhambakana mafwo. Chize chili nakwiza kukinduluka kuli lyavene cheka.

<sup>202</sup> Jino etu tunawane, chejile, linona, kusoloka nge umwe wamwenemwene. Kaha kachi enu namuya nakushikumuka na kukoka chihungu kunyima, enu namuya nakuwana lize linona lyatete lya tiliku kalyeshi na linona ko muli likiko, linapu chihungu, lize lifwo. Mwata, kuhizumuka chachinene cha Chipendekosita chize chayile, echi chatela kupwa mujila kana, Mwata, kusinga Tiliku omwo echi nachilingika. Kuze kakwapwile chihela chakuyako.

<sup>203</sup> Jino, Tata, etu tunatachikiza nge etu tweji kumbata vyuma vyosena ha chisemwa, mwomwo Ove watunga chisemwa. Enu mwasokwele mavu: ha jila Enu vamijimikile, mumakumbi a Nowa, hanyima ya kunangula chenyi; Ove unaholoka Manyinga a Mwana hano hamavu, kulijilika Ove lyavene; kaha muze muchisemunuino chachinene kwiza, muze mukutungulula, Ove uli nakuya nakuwema na kaze kakahya, kuwema vyuma vya kaye. Nge Ove kulinga nge Mukakulishitu, Ove mulwile ikiye: mujimike ikiye; mujilike ikiye; jino kutuma kaye kufuma kuli ikiye, kaha kuvuluka ikiye jino nge Wove lyavene, ha kuhaka Shipilitu Wajila muli ikiye.

<sup>204</sup> Etu tunatachikiza nge eyi tiliku kwiza nakuhita mujila yoyimwe. Kala tengeso yeji kuzata mwomumwe. Jino, Mwata, omwo etu natumona chiyawu jino kukokeka nakufuma ku Linona, kuya ku kaye, Ove Kalunga, tuhane nge vase vanakwachiwa... Chize—chize chiyawu chatela kukokeka, shikaho lize linona vanahase kwiza Kumeso a Mwana. Nguli nakwivwa kwiza cha kufutula, Mwata. Kacheshi kushimbulako.

Kaha jino kalama wamunene mwaya nakumbata Mwenga Wenyi mu upahu, Kumeso a Kalunga.

<sup>205</sup> Ngwalombo, Tata, nge Ove muya nakukisula etu vosena. Echa anuka, Mwata, nge eli linapu lisesa lyetu. Etu katweshi pamo hameneko. Lelo chinapu lisesa lyetu. “Lelo, hanyima yalwola lwalusuku, omwo enu namwivwa Lizu Lyenyi, kanda mukaluwisa michima yenuko.” Mwata Kalunga, Ngunahono kutachikiza ava vathu. Kachi kuli kala hano, chachihi cha echi, tuhane ufukuuno nge vakiko navaya nakutambula kuzalilila cha Kalunga, kaha kupwa wakuzala na Shipilitu Wajila. Tuhanecho echi, Tata.

<sup>206</sup> Jino namitwe yetu yakunongama, michima yetu yakunongama, nawa. Masepa, ngukonekelenu jila yami Ngweji kuvatula mujimbu wami. Ngwa—Ngwalombo nge Kalunga mwaya nakukulweka ove omu Ngwatwale. Jino, kachi... Kangwazangile kalamuthu kutala hali chizeko. Twalilaho kunongama mutwe wove. Kangweshi... Wosena ove, kachi ove kaweshi wakukunyuka ha chiyoyelo chove... .

<sup>207</sup> Jino, talenu, umwe wosena muli vakiko vali kuhita, chuma muka vakiko valingile? Vakiko vayile nakwingila mulizavu. Chuma muka Chalingikile? Eyi Shipilitu yasele, kuli weka. Hazevene Luther alivwasanyine; Chize chayile nakwingila muli Wesley. Wesley alivwasanyine; Echi chayile nakwingila mu Pendekosita. Pendekosita valivwasanyine; kulihi Echi nachiya? Chochimwe nge Panda ya mulangi wa Kakahya, twalilaho kutambuka.

<sup>208</sup> Kaha vathu vamwe, ngwavo, “Yami ngumuka Pendekosita.” Echi chamwaza. “Yami ngumuka Luteleni.” Echi chosena chakwoloka. Kakweshi chuma chakufumbukila chizeko.

<sup>209</sup> Oloze, sepa, Tiliku hanga ili nakwenda. Etu tukwechi kuhizumuka chimwe chachinene. Echi—echi chinahichi, mijimbu yamwaka kusolola kuhizumuka kupwa kaha mumyaka yitatu. Ou umwe kupwa na myaka fifiteni, mokomoko chikuma, kupwa nakukuka chachinene, oloze chatuchile jino. Tala! Kala kuhizumuka lwolalwosena kuneha chikungulwilo hanyima ya chize. Mwomwoika echi umwe? Kuze kuli lizavu lyalindende vandumbwetu kuputuka, hano vene kumwe, vavuluka kupwa Vula Yamakumishilo, vakiko kavayile kumweko; kuholoka nakuhita. Mwomwoika? Echi chinapu Chisemunuino cha Tiliku, masepa. Ili Tiliku. Kuli mulimo hano hamavu kupwa kaha nge umwe ayile nakwingila mumavu kunyima kuze hakuputuka, kutachikiza cha chipendekosita.

<sup>210</sup> Mauka ali nakupwa akulivwasana. Kaha umwe ali nakweseka kutunga chachinene kuhambakana mukwavo, kaha kupwa na mamembala na vyuma, chikungulwilo, makumishilo. Etu twamono echi. Yami ngumuka pendekosita. Etu twamono echi kukoka. Oloze chuma muka? Echi chatela kulinga,

shikaho uze—uze Mwana nahase kumbata lize Linona. Kachi kachapwile kuzeko, chatete, kachi kakwapwile chiyawuko hali echi, kachapwile numba chihela chakuya. Kalunga achilingishile kupwa chiyawu, talenu, nge linona, nge tiliku, nge kalachuma nawa chize nachiza nakufuma ku baa. Jino, talenu, kunapunga kala chikungulwilo chaputukile hanyima ya echi. Mwomwoika? Kakweshi numba lwola chekako hali umwe. Etu tuli kumakumishilo.

<sup>211</sup> Kaha kachi enu kamweshi vene okwo enu mwatela kupwa, kaha ove ngwove, “Ndumbu walunga Branham, kachi Kalunga mwevwa kulomba chove hali vakakuviza, kaha Ngwevwile chuma muka Mwata nalingi kukumbulula kulomba...” Kaha enu mwevwa lyehi vathu veka muno mukaye lelo, vali nakulomba. Enu ngwenu, “Ngwa... Muya nakungulombelela, nge Nanguya nakutambula chize kutachikiza, Ndumbu walunga Branham? Kangweshi pamo kumona enu chekako.” Pamo kangweshi kumimona chekako. “Oloze lombaa nge Nanguya nakupwa kuze. Kangweshi nakwivwa nge Nanguya nakupwa kuze jino. Oloze Ngunatondo enu kungulombelela yami, mangana Nanguya nakupwa.”

<sup>212</sup> Jino, mutwe wosena unanongama. Zundula livoko lyove, echa ove? Mwata akukisule, akukisule, kaha ove. Kalunga akukisule. Muli eli lizavu lya vathu, Ngunashinganyeka, fifite, pamo, mokomoko sevete faifi mavoko apwile helu.

<sup>213</sup> Jino, Yesu Wamwaza, Ove wapwa mukakusopesa. Etu twapwa kaha vakakuzata. Ngwalombo, Kalunga Wamwaza. Kaha—kaha kachi Ngunawane likoji kumeso Ove, kukumbulula kulomba chami. Ove unamono mavoko osena anazunduka helu. Ove unatachikiza chumamuka chapwile mukachi ka muchima. Etu twafwelela nge vakiko vavatongwelele ku Kuyoya. Kaha Satana, chochimwe nge mumakumbi a Alama, ikiye ali nakweseka kulama ou mulimo kufuma kwiza. Echa vachimike ufukuuno. Echa Manyinga a Yesu Kulishitu chijilocho, kaha echa vakiko vezenga nakupwa nge mukulwane wahamuchima kuli Kalunga. Tuhanecho echi, Tata.

<sup>214</sup> Echa vakiko vapwenga vakusoloka mu Lizu lya Kulishitu. Ikiye ambile ngwenyi, “Kuvangila muthu mwasemuka chachihya...” Echa vakiko vatambule chize kutachikiza chachihya. Echa vakiko vatambule lujimiko lwa Shipilitu Wajila, kuwahilila cha vyuma vyosena vya kaye. Vakiko kavatondele echi chekako, Mwata. Tomesa kaze kaye kufuma mulivakiko, kaha kuhaka nakulovoka nakupwa chitengo shimbu kumeso avathu. Tuhane echi, Mwata, nge Ove unahase kupwa wakuwahilila muli chino chisemunuino cha lwola mumakumbi akumakumishilo hano, kuneha chitengo Chove hali ava malunga na mapwevo, vanyike vamaalunga na vamaapwevo, vase vapwile namavoko avo. Tuhanecho echi, Mwata.

215 Kisula echi kuhizumuka chili nakuya mumbongi. Ove Kalunga, Ngwalombo nge kala muthu na pwevo, uze ali hakamwihi, mwaya nakutambukila chize kuhizumuka. Kaha echa vosena vapwenga vakuzala na Shipilitu Wajila, kaha echa kupwenga kuhizumuka chamwaka kuhita muli ino mbongi yayindende hano, palanga vathu kufuma kwosena nakuya. Tuhane echi, Mwata. Tuhane etu vyuma kana, Tata, mwomwo etu twavilombo Mulijina Iya Yesu. Amena.

216 Ngwamuzanga Ikiye. Ngwamuzanga Ikiye. Enu mwamuzanga Ikiye? Munatachikiza, Paulu ambile ngwenyi, “Kachi Nangu kwimba, Nangu kwimba mu Shipilitu.” Ngwalikomokela. Ngunapu hahasuku kufuma hakupwa mukakwimba. Oloze shikangaho, hamwe, kachi etu katweshi kuhasa kuputuka uze mwasoko, *Ngwamuzanga Ikiye*. Ove muya nakutuhana sapi, ndumbu wapwevo? “Mwomwo Ikiye avangilile kunguzanga yami.” Enu mwevwa Iyehi echi. Vangahi vatachikiza echi? Echa tumone vyenu. . . Yinapu myaso yimwe yamwaka. Ngwazanga kwimba. Chosena chakwoloka.

217 Jino echa tunongamenu mitwe yetu na kusoka meso etu, na kwimba jino, *Ngwamuzanga Ikiye*.

Ngwamuzanga Ikiye, Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

218 Echa tungungute. Likumbi limwe Iya vula kuhita muutangatanga. Nakuya nakupwa ndolombita kuvuma. Vaze vafu muli Kulishitu navakaya nakwiza. Mamalelo, omwo etu natuya nakutonda Echi jino!

Kaha alanjile ulwilo wami  
Ku Kavali.

219 Kuze kukiko Ikiye ejile nakupwa Mukulwane wetu.

220 Anuka kaha, vitengo vyosena, shimbu kanda vakiko kuhaka muze muzuvo yapuho, vakiko vatela kuya nakuhita muzuvo ya kutoleka, chatete. Kutoleka chatela kumona kachi vakiko vanahase kutoleka. Oloze omu kwimana kutoleka, jino kumbata zuvo ya puho. Mwana Kalunga ahichile mukutoleka cha chikungulwilo, chikungulwilo, palanga nomu Pilatu ngwenyi, “Ngunawane mulonga muli ikiye.” Yuta ngwenyi, “Ngunasolola Manyinga a kuzeneka mulonga.”

221 Kahajino Kalunga amusangwile Ikiye, kaha Ikiye apwile muze muzuvo yayinene lelo, kulivoko Iya chilyo Iya Kalunga, kupwa na kuhakwila. Kawazangile kulinunga na Ikiye kuzeko? Kawazangile kupwa chihanda cha chize? Ove unahase kupwa. Ove uli wakusanyika kupwa. Shimbu etu tuli nakwimba ou mwaso, mwomwoika ove unahonene kuhanjika echi kuli Ikiye jino.

. . . chatete anguzangile yami  
Kaha alanjile ulwilo wami  
Ha mutondo wa Kavali.

222 Shimbu etu natwimba cheka, Ngwatondo enu kulimeka mumavoko na muthuumwe kusali ya mesa kufuma kuli ove jino. Hanjika, “Kalunga akukisule, sepa Vakakulishitu. Kalunga akukisule. Ngulombeleko.” Enu vosena lingenu echi jino, shimbu etu natwimba echi cheka.

Ngwazanga . . . (Ngulombeleko.  
Ngulombeleko.) . . . kumuzanga Ikiye  
Mwomwo Ikiye . . .

223 Echi chakwoloka, kulimeneka mumavoko, kuhanjika, “Ngulombeleko.” Enu vosena ngulombelelenu. Ngwatondo kupwa kuze, shikaho chachipi.

Kaha alanjile ulwilo wami  
Ha mutondo wa Kavali.

224 Jino echa tunongamenu mitwe yetu na kusoka meso etu, na kukatula mavoko etu na kwimba kuli Ikiye jino.

Ngwa . . . (Ove Kalunga!) Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha Kavali.

Tala ha Chitengo chove chakusukama haze.

225 Mukakusonga wamunene, Kalunga wamunene Uze atungile muthu, kaha amutungilile mu chifwanyisa Chove Lyavene, Ngwalombo Ove, Mwata, nge Ove uyenga nakutuhana etu ufukuuno. Echa ou upwenga ufuku wakwanukilaho, kwanukilaho chivene kuli etu, nge, ufukuuno, Mwata, ufukuuno, hano vene mu Stardust Motel, echa Ove utunga malunga muchifwanyisa cha vana va Kalunga. Tuhanecho echi, Mwata. Mukakusonga wamunene, Ove unapu Umwe kaha nahase kuchilinga. Mbata Lizu Lyove, Mwata, tutunge Echi mumichima yetu yosena, mangana etu tupwenga chitengo Chove mumakumbi akumakumishilo, kaha kupwa wakusanyika Mwenga wa Kulishitu. Malunga vakwavo vanahase kumona nge kuli muchano na kuwahilila cha kuyoya hali Ikiye.

226 Mwata, likumbi lino, nge numba mauka etu, vakiko ali nakujimbalisa kushishika chavo. Vakiko kaveshi . . . Kulisoloka kupwa, kuya mu Hollywood, Mwata, chuma muka chasolokele? Vakiko kuya hanyima ya—ya kutemwina kachi kuvwakuma. Etu tunatachikiza nge kaye kuvwakuma na kaye kosena. Oloze Mujimbu wamwaza kuvwakuma na zangi na Kulishitu. Tuhane echi, Mwata, nge etu natuya nakufuma muchitanda cha kaye, kaha kwingila mu kumunyika cha Kulishitu.

227 Vakiko vanapu Vove, Mwata. Ove wavalanjile vakiko. Ove . . . Vakiko kuzundula livoko lyavo, ufukuuno, vakiko

vatondele kupwa. Jino, Tata, Ngwa...Kachi Nanguhasa, Nanguya nakualingisa vakiko kupwa chize, oloze Kangweshi kuhasako. Oloze Nguli nakufwelela Ove. Enu ngwenyi, “Wosena mweza kuli Yami Kangweshi kukahangako. Wosena mwevwa Lizu Lyami na kufwelela hali Ikiye uze angutumine Yami, ali na Kuyoya cha hayamyaka, kaha keshi kukahasa kwiza nakwingila mu Kusopesa ko,” keshi kulifwanyisa kufwelela jino, Mwata, oloze kufwelela, “ikiye nahichi kufuma mukufwa nakuya mu Kuyoya.” Tuhanecho echi, Tata. Vakiko vapwa vove, kuhichila mu Lijina Iya Yesu Kulishitu. Amena.

228 Ove wamuzanga Ikiye? Kumana Ikiye keshi wamwazako?

229 Tuhane etu kaze kakandende, mokomoko mwakwimbila kuze, ndumbu wapwevo, *Chamwaza, Chamwaza*.

Ove unatondo kwimba? Yami Nguli nakumbata kushimbula?

230 Ngwazanga kulifukula. Kamweshi ngochoko? Chindende, kuvatula Mujimbu nge ngachize, Kangweshi... Munatachikiza, Ngwajinda kuvavatula, oloze, enu—enu kupwa na bulb, kupwa nakukwata echi. Munatachikiza omu Ngwatwale. Yaah. Enu mwatela kwendesha echi jino. Kaha talenu?

231 Ove wamuzanga uze mwaso? “Wakukomwesa, wakukomwesa, Yesu kuli yami.” Ove unejiva chize?


Wakukomwesa, wakukomwesa, Yesu kuli yami,  
Wakulweza pungu, Mwangana wa Kuunda,  
Kalunga Waundume apwa Ikiye;  
Kungulwila yami, kungulama yami kushili josena na sonyi,  
Wakukomwesa Mukakusokola yami, valise Lijina Lyenyi!

Ngwapwile wakujimbala, jino Vananguwane,  
kukasunuka kufuma mukupaisa,  
Yesu nahane kukasunuka na kuzala cha ulwilo;  
Kungulwila yami, kungulama yami kushili josena na sonyi,  
Wakukomwesa Mukakusokola yami, valise Lijina Lyenyi!

Muthu wosena!

Wakukomwesa, wakukomwesa, Yesu kuli yami,  
Wakulweza pungu, Mwangana wa Kuunda,  
Kalunga Waundume apwa Ikiye;  
Kungulwila yami, kungulama yami kushili josena na sonyi,  
Wakukomwesa Mukakusokola yami, valise Lijina Lyenyi!

<sup>232</sup> Jino echa tuhanjike, “Mwata va Mwalise!” “Mwata va Mwalise!” Kamweshi nakwivwa kuvetuwa? Kwivwa kanawa? Kulifukula kuli Mwata. Ikiye apwa wamwaza.

<sup>233</sup> Kalunga amikisule palanga nomu Nangukaliwana cheka. Nanguya na kwalumuna kutanga jino kuli ndumbu walunga, kolokoko yalifuchi. 

64-1205 Chitengo Cha Kalunga Chinenjikijiwa  
Stardust Motel  
Yuma, Arizona U.S.A.

LUVALE

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)